

眉山縣志卷十一

列士

清

郭天祿字子簡州人幼穎悟誠靜好學第進士授刑部主政歷任陝西司郎中留心庶獄多所平反時有以姦事控人者律當大辟獄具同官已連署天祿獨閣筆遲迴覆按得其情遂釋其人而坐誣者其曹俱為心服後擢宜昌守未赴丁父憂回籍講學眉山學者多宗之

鄧克明字鏡亭州人學問優長器識遠大第進士歷任雲南太和直隸平鄉河南滎陽縣事潔己愛民留心庶政在平鄉時有弟兄

眉山縣志

卷十一人物志二

列士

一

漢文石印社代印

爭產者控經數令未決克明激發其天良弟兄感動遂友愛如初在滎陽時氏有謀殺拔讎事前令株連儼罪克明知其誣細鞫得實釋其人闔邑感泣皆稱曰真氏父母也

周應鰲父文俸出質西甯為夷人掠賣為奴文俸去後六月始生應鰲應鰲年十八欲尋父請於母攜信具以行歷數千里徧訪諸夷得父處父不識應鰲出信具父恍然曰真吾兒也相持大泣不能起夷人怪之羣至驚問悉其故則皆垂涕留數日欲俱歸應鰲徧拜諸酋長且懇曰無苦我父子夷人感其誠推牛大饗送歸一家歡然州人盛傳其事

萬永傑農家子父洪瑞母陳氏尚健家極貧為人傭以事親乾隆

中國農民銀行總經理處
經濟研究處藏



丁酉夏六月母率婦劉氏鄒江河拾爨薪失足墜河永祿投水奔救母起永祿竟淪於河州人咸哀之

吳慎眉州人入夾江學籍成進士任涑水縣令其咏李昌澹墓

州殉難李昌澹崇正間以貢生判莒州攝州事城破妻何氏子爾旋僕登雲死之詩云大兵南下鼓聲

促志士全家涕天哭五日代庖名義重臣力竭矣死莫贖妻殉夫

子命絕碎礫蒼頭心似鐵嗚呼哀哉李莒州見危致命天為愁殷

家孤竹漢無終真堪鼎峙照千秋又咏李孔昭孔昭莒州人崇正癸未進士賊陷京

城白衣冠哭於野入盤山教生徒以養母大僚交薦不起後館海上病卒詩云老婦不再嫁書生求報

罷非甘陔伏高不出成就愚忠亦至德硯田熟甘旨足我家乃在

東海之濱盤山之麓君不見突兀漾空雲松耶拍耶何嶙峋又不

眉山縣志

卷十一人物志二

列士二

漢文石印社代印

見扶桑吼雪浪滔滔清絕洗涎鱗以上屬志

李正春治北人清康熙四十年登賢書有廉介風道光間州學正

鄧紹崐為作墓志銘略云廟廷辨剽雷波夷逆正春在戎幕司餉

出入金戈鐵馬間毅然有為轉餉十餘萬無絲毫私事平大府上

其能銓授廣東廣州清遠縣知縣期年卸任以親老改教職回川

其視戚戚於貧賤汲汲於富貴者誠何如也增補

王助永壽鄉人積世忠厚經獻賊亂其家獨完康熙六年自序

家譜其略曰余家肇籍太原迨宋遷蜀擇眉家焉世系相承自予

身弟兄凡六皆以禮義相推讓枕有諛言則叱之孝友一堂怡怡

無異色妯娌恬然更無厲聲敬慈行於族黨聲勢忘於閭里平昔

勢者輒結衙役豪棍欺蔑良善而吾家與貧乏孤寂者往來特厚崇禎間土賊蜂起奴僕內變衝城劫署前所稱富貴豪悍者率皆無以自容吾家安堵自若甲申仲秋流賊張獻忠入蜀破成都僭帝號藉考選以誅戮士類羽檄旬提紳衿無一漏網其於百姓設概屠之法發兵四下剽洗獻賊竊據二年血刃未乾始猶於十人中殺五人半剝其手以相間令曰一兵得十手掌者論功免死半功者剝刑無功者死不赦後竟盡剝不留全蜀生靈千難逃一房產畜類無論已丙戌賊燼成都逃去援兵踵襲雖未殺人劫財奪糧待斃之慘酷於鋒刃援兵安插後鋒火之子遺又遇飢饉自相爭奪眾侵寡強暴弱戚族均所不顧至奪糧既盡父子死咸相食

眉山縣志

卷十一人物志二

烈士

三

漢文石印社代印

厥後達人則殺而食之川中惟保寧及嘉峨洪夾遵義永寧雖經殘破尚未若斯之甚逃亡者率遷就之餘各府州縣人畜全無矣富貴之家斬其脈聲勢之門無一存余大三兄罹考選之厄六弟櫻游賊之鋒二兄正寢余同五弟跌避難馮江時斗米值三十金別無營生計惟恃金帛易糴既盡採藜藿和牛羹常苦不飽幸于死中得生己丑同家人十五口尋歸故土其時城郭荒穢虎迹縱橫其他歸者橫死虎口不可勝數余一家迪吉無驚不二十年男女滿門丁口繁殖間叨矜廩夫非先人培植之厚敦倫立品輕財尚義曷克臻此夫先人之教孝友尚矣本此以推僕從亦人子也宜善視之族黨吾同體鄰右吾翼助也倘有不給周之全之鰥寡

孤獨疲癯殘疾危急患難下逮乞兒皆當矜憫而拯濟者牲畜物命除奉高年外節殺其宜也余年知命慮及代遠支繁昭穆易淆或宴安不振有悖傳家之法故為族譜遺之而弁其說於篇端以見多福之求端在吾人以善自勉而已

據王氏族譜新增

王中枚助玄孫乾隆壬午科舉人性至孝勇于為義公車北還同鄉某卒於道中枚為經紀後事載柩以俱紆道從衛汴荆黃間買舟還沿途乞濟踏蹬窮羈無倦容而同鄉某前此之競聲華誇結好酒食遊戲徵逐者曾無一人與也識者嘆之初在新都學博任丁母艱步行扶襯歸里廬墓哀毀骨立甘旨不御足不履城市者有年後歷知直隸曲陽清豐無極等縣多惠政平反庶獄有古循

眉山縣志

卷十一人物志二

列士四

漢文石印社代印

吏風自奉淡若寒素常訓其家人曰蔬食布衣以常給者為福吾俸至此吾不忍一日忘讀書時也大吏深重之陞延慶州年八十致仕著有陰騭文註釋二卷

李崇盛字雅堂桂香街人乾隆甲寅舉於鄉以大挑一等知縣分發浙江時陳太史廷慶主講西湖書院敬其品學因老病延代衡文月課屢首朱生拭之次呂生鄉試果朱元呂魁浙人士嘆服翁然師之學宗洛閩躬勵實行故有李夫子之譽歷署臺州府永康知縣清衙蠹察民隱所至廉介有聲卒任士民哀悼子永芳庠生孫重光灑光歲貢文光副將銜重慶府中營遊擊

王大中字正一乾隆丙辰恩科武舉由千總出任貴州以勇力著

歷安籠都勻大定等衛尋陞鎮遠游戎征緬匪殲金首屢立戰功
在任撫軍民尤多惠政後以病足歸里偶與人談及功名事未嘗
不以有負國恩為悵悵

王簡在三蘇場貢生慷慨有智能眉初學額七名簡在呈請增至
十名又於 聖廟倡置學田皆人所欲行而未能者生平以德行
自勵出其門者多茂材異等

古之瑛由成都府學籍補歲貢生篤信守正不喜交游與人言皆
淺近可行生平未談及耕讀外事教三子良玉補州庠臨終書以
示子云生寄死歸不假金剛經一卷歿寧存順何須浮屠牒三關
又云有祭禮有莫章幸我輩猶存古道無梵音無懺偈疑儒者不

眉山縣志

卷十一人物志二

列士

五

漢文石印社代印

近人情其制行可想

鄧鳳劍國學生生平孝友端方以勤儉耕讀勗子孫親鄰多化之
者初城東江壩為水所齧且圯州守某派民起役屬鳳劍監修時
同事多人惟鳳劍所需柴薪蔬米之貲俱由家備送不支公項分
厘事竣辭歸州守附耳曰知先生廉正切勿言予過也其為人敬
憚如此

趙繼聖素行端方治東巖頤堰自韓賓疏濬後灌溉良田三萬餘
畝年久弊滋漸致不舉乾隆五十年州守趙飭堰長經文繼聖東
公奉行於舊額外增一萬餘畝共成四萬七十有奇並酌議堰規
以興水利 以上續志

左朝臣州庠生明末流寇入蜀掠眉詭云除城盡剽鄉民間報蜂擁入城賊闔城盡誅之無噍類朝臣祕避他處獨得免及歸見積尸纍纍間無人跡乃募窮民收瘞十日始竟其地在今城南隅白衣菴後此事眉前志略不書特錄之

周邦維州人素好義其異居姪吉圖貧而有勇竭家貲助習武後吉圖舉於鄉以軍功授甘肅西寧遊擊邦維得馳封武略騎尉又捐貲自修平心橋一座

陳浩有遠識能決事乾隆十九年州守張會同新彭二縣合稟道憲開修通濟堰相度形勢謂必由翻水口取水方能引灌入眉委浩監工修鑿浩秉公盡力督役嚴明工竣灌眉田二萬九千二

眉山縣志

卷十一 人物志二

烈士

六

漢文石印社代印

百七十餘畝定議每畝派銀二分五釐至今眉人咸頌其功前署州陳額其門曰辦公盡瘁

萬玉麟因叔天佑無子過繼為嗣時麟甫七歲二年而天佑卒至十六歲而天佑妻汪氏手足痿痺麟親俸湯藥抑搔扶持者十有九年汪病益篤麟乃移榻就母室夜間不時起視或六七次至八九次不避寒暑無倦容汪年七十有三麟年四十有二母子二人更為命一刻不能離妻葉氏順事其姑亦如麟

萬世朝為人樸厚奉親至孝生事葬祭盡力盡禮歿三十餘年宗族鄉里及遠來客商猶稱孝子而不名其在日常與人習言孝弟事人亦多為所感者

涂廣泰妻周氏事親至孝及母卒事繼母愛敬逾常晚年子俱亡
夫妻相謂自我身斬嗣於孝何有乃建祠奉主舉遺產歸諸祠為
永遠祀事計越十餘年廣泰夫妻以壽終

李常毓字慎之處士家貧事二親甘旨無缺嘗謂古人養志之說
必有至性於其間若徒營膳潔羞吾知其謬也晚年弟兄議分爨
常毓以兄春秋高且諸姪長無餘蓄乃三分遺產歸其二於兄而
己受其一為人樸誠慷慨遇善事必量力勇為里人多薰其德
田種玉字映月太學生父早卒事母至孝遭家不造恐重為母憂
撫三幼弟慇懃教養弟以弱冠補弟子員嗣諸弟相繼病沒復教
其姪入州庠同居四世舉家數十口融融然不稍睚眦皆說者謂吾

眉山縣志

卷十一 人物志二

列士 七

漢文石印社代印

眉家箴必首推田氏云種玉素以能名著遇公事如築城修橋諸
役俱與有力稍涉私曲不為也一生制行為士大夫所欽重
王帝命字天與處士性孝友能以忠厚飭其身一生足不履公庭
人有辱之者婉詞遣之甚則避之遇親朋涉訟必苦口勸止隣人
有無故欲出其子婦者聞而力阻之事遂寢一家和睦後子孫蕃
息猶感激不忘遇族隣子弟時以讀書行善為諄諄
王中樞貢生弟中連廩生束身自好不以貧墮行弟兄愛敬如師
友乾隆間同赴鄉試中樞出頭場遂病中連日侍湯藥不復入闈
中樞旋故中連扶柩還家哀毀逾節亦亡因合葬焉
黃啟陽監生居家孝友兩兄早沒諸姪俱賴撫成分產多與里有

危難必曲為排解捐貲修石橋設義渡并置田為永久計子恩貢
生一孝廉一文庠二州人以為積善之報

管明鑑性至孝事親能先意承志其父母嘗語人曰明鑑孝子也
然其迹不可見鄉鄰以是陰重之比成家弟兄析產已則擇其疏
瘠者父母病且老明鑑深憂之冀作功德延親壽炎日於孔道施
茶水過歲歉兼辦鐸羅諸食物以餉飢者十餘年不倦凡溝澮扛
梁或往來不便處輒出資修補不使人知

倪正川家素貧父早逝事母極孝一舉動不違母志獨理家政勉
其弟道琬潛心舉子業俾無內顧憂道琬亦樸誠能遵兄訓以乾
隆戊申恩科舉於鄉弟兄至老同爨內外無間言

眉山縣志

卷十一人物志二

列士八

漢文石印社代印

高 訓監生父早逝事生母孝待庶母與其子某親愛逾恆遺業
多推讓

李九毓處士勤學能文因屢躓場屋無意進取至老手不釋卷四
世不析產一家數十口各有執業俱循循禮讓鄉鄰有急難視力
能拯無不勉為之年八十四猶樂善不倦

張 緯幼孤無兄弟事母孝族人有違忤事畏與之見姊孀居家
寒迎歸養之里人負債不能償立焚其券伯兄某編族譜成稿無
資鐫刻緯力任其役行事類如此

熊 翰自幼與兄翊同學翰以親老遂廢學力田母以耕讀兩難
命析爨翰欲成兄名奈翊屢試不售且貧甚翰時時周之母性易

怒翰幾諫不傷母心其天性孝友如此為人端謹能容故里中橫逆亦不忍欺

彭正才州人多義舉凡有所蓄悉儲以為施濟實乾隆間捐建觀音橋又恐橋之終敝無以要諸久遠乃更於橋側置水田若干畝並訂載糧徵租一切善後事宜如須修補不煩再計

李榮州人好善樂施曾修老鶴窩石橋及膏梁坡石路約費數百金

談鑑州監生生平好善施義塚地數畝修汪家橋一座凡善事無不贊助鄉人義之

嚴頤州處士與人文無爭忤封殖事絕口不言嘗語人曰祖父

眉山縣志

卷十一 人物志二 列士九

漢文石印社代印

能積德子孫能讀書無不發之家矣於治東石佛關上游修磚橋一座疊砌文成人字形因號人字橋其他義舉絡繹曲意贊成行所無事人皆謂頤為善士

劉文耀州人生平好施捐貲修石橋大小十座約費千餘金其他隨緣施濟不可勝計

雷永慎州耆老妻牟氏生平好善嘉慶八年出貲於眉西二十里韓家場創鐵鎖橋橋之右有小渠又另創石橋三洞小渠以上有古黃蓮橋早圯亦為修復孫大化入樂山文庫夫妻同年同月日以無疾終皆八十六歲厥後橋毀於水其子啟盈啟藩啟耀及孫大化等仍捐金重修三橋前後共計約費一千數百金人以為盛

舉

何 瑞州人平生忠厚足不至公堂和宗睦族息事解紛嘗買藥以濟貧病厯有年所活人甚衆年八十四卒

龔還壽州人行誼端方樂施好善遇鄉鄰有善舉必力為玉成嘗買山數畝為義塚地

劉汝槐州人業儒端直有古風遇鄰里爭訟必力為排解見人為善輒勉其所能助其不足鄉里感其言而同化者蓋不少云

何燦碧州人兄弟友讓和族樂鄰有稱貸力不能償者碧即燬券遣之去如是者約計數百金年八十八未嘗一涉訟庭鄉里重之唐陞侯州處士生平樂善不倦鄉里睚眦之怨得一言各釋其恨

眉山縣志

卷十一人物志二

列士十

漢文石印社代印

家無餘貲然勇於任事嘗於宅左修石橋一座以便行旅橋圯又重新之年七十餘尚健

張懷良州人素好善捐貲購石將鄆江河砌長三十餘丈以通孔道事繼母丁氏尤孝敬

熊文祥州人勤慎忠實嘉慶九年於眉西三十里熊家壩捐貲創修石橋五洞名惠龍橋後被水冲毀仍修復并將己名所置王秀朝田畝載糧五分改註惠龍橋糧冊以為善後計

李君順州人貧而好善以佃耕為業積金得二百餘即以其半在里中龔家溝創築石灰橋長三文餘名繼善橋

劉榮茂州人性公直睦鄰善族於里中施塚地數畝

周朝政嘉慶時人性慈善凡里中公益義舉不惜捐助每臘必舂米十石分給親隣貧乏者歲數有加曰吾甯自奉薄當留有餘以濟人

王之俊字筆山吳府街人有至性母早亡事繼母庶母如所生父喜曰汝能孝必有肖子事汝矣乾隆己酉拔貢除什邡教諭甫謁文廟見不如制恭議改修又思以節孝勵風化採訪數百名請旌建總坊南關皆倡捐歲事訓課諸生先德行後文藝年八旬致仕歸又六年卒諸生聞訃奔走數百里親詣奠輓子槐端歲貢家楷道光壬辰舉人槐端與弟以孝友名設帳五十餘年嚴立課程不少懈衣服言動

眉山縣志

卷十一人物志二

列士十一

漢文石印社代印

有法生徒至老見之猶敬憚董建眉山書院及大王寺浮圖衆服其公子仲炆歲貢

家楷一赴禮部不第歸以親老偕兄奉晨昏講學於家成就甚衆孝廉伍程玉鎮典副貢劉焯藜皆門下士子仲炆歲貢

饒桂陽州人有峨山詩云名勝日相親吾家在山下譬如居寶所得寶不論價髫年走雲巒壯焉未曾謝探奇時窮幽觀變知元化烟霞分晦明氣候無春夏陰崖千古雪石室萬古舍彩光現晴嵐星燈燭昏夜見李雨村蜀雅集同時揚世珍亦列集中有詠白龍池詩載山水志增補

詹星照字鏡堂治北石頭堰人誠篤有學行少侍父病瀕危割左

骨肉和樂進立愈及暑姊見創痕問之流涕弗言嘉慶庚午舉於鄉以大挑二等選永寧訓導見諸生輒訓以倫常課以經史曰是為實學聖門所謂約禮者即履所學之義於吾身也若馳騫浮華異日安有經濟一時士習丕變陞雅州府教授任滿乞休優遊林下好行其德凡里中義舉樂為之無吝心亦無倦志年八十一卒孫煥奎恩貢燦奎廩生餘俱入庠

田長銘武舉城內人精拳勇善騰擊白蓮教匪亂率其門人周吉圖從戎長銘在陣奪獲賊所乘駿馬主將某求之弗獻因銜焉嗣屬長銘嚴守俘囚夜賊奮眾剗營吉圖先覺抵死前門囚乘隙斷械與長銘手搏將逸去長銘急拔刀殪之主將某怒曰吾安用死

眉山縣志

卷十一人物志二

列士

十二

漢文石印社代印

者為杖責長銘尋與吉圖窺賊壘困重圍中長銘奮勇突出知吉圖猶在圍冒刃入與吉圖併力前後衝擊眾皆披靡出復合圍者三長銘被三槍吉圖亦創甚既出圍乘賊不備又猛攻賊營奪其偽令近軍中咸異其勇後吉圖累功從征甘肅長銘在川始任峨眉千總旋署重慶都司因火藥庫失戒落職揚侯遇春總督陝甘時知其能起用保授江南靖江營守備引見還卒成都

周吉圖武舉太和鎮周家嘴人嘉慶元年從戎隸督標左營二年出師攻白蓮教屢戰皆捷保把總隨拔松藩鎮千總七年川督勒保札飭隨征甘肅西陵等處教匪奮勇前敵積功陞甘肅西陵鎮標前營守備九年任西陵後營都司十五年拔補甘肅玉全營遊

擊二十三年出師西口外所至克捷補烏魯木齊提標中營參將
督兵追捕教匪出力保陞烏魯木齊提標所屬瑪納斯副將道光
六年奉派出師喀什噶爾征剿逆回張格爾等是年六月二十一
日力戰陣亡相傳於積尸中辨得指環拾其殘骸禮葬奉部覆議給雲騎尉世職襲次
完特給予恩騎尉世襲罔替九年周興起陰襲戰績待考
劉鴻典字寶臣龍安堡人道咸間為眉典型其三子昭晉所述節
略云先代業農幼失怙恃幾於廢學既乃憤志讀書補州庠遊學
至省師事家止唐李西澗兩先生文章性道具得其傳道光己酉
登拔萃科辛亥舉於鄉主講眉山書院三年從遊者衆學舍至不
能容嗣設帳富順自流井威遠呂仙岩壬戌大批借補順慶府西

眉山縣志

卷十一人物志二

列士

十三

漢文石印社代印

充縣訓導文風士習多所培成六年俸滿保升知縣加同知銜選
授廣東雷州府徐聞縣知縣履任後廉明果斷卓有政聲學使章
采南先生觀風至境嘉其績後辦土豪強姦案執法無所徇以此
忤當路意解任去之日士林賦詩餞送深為抱屈殊處之夷然居
羊城一年歸學蘇子瞻和陶淵明歸去來辭以見志辭曰歸去來
兮道與時違胡不歸既行藏之任運奚挫折之足悲信有過之難
掩實無悔之可追視官署如傳舍復誰是而誰非笑飢者之求食
寒者之求衣悟浮雲之富貴縱有得亦甚微我歸由我匪逐匪奔
舟沂洞庭路入夔門童僕雖散琴鶴尚存清風兩袖明月一尊奇
閒情於山水尋樂趣於孔顏喜蝸廬之無恙隨所至而皆安有生

徒兮問字門常開而不關或登高而不嘯或養靜以內觀識我山之尊貴與古人兮往還因斲輪而悟道陋糟粕之齊桓歸去來兮歌逍遙以獨遊由北溟而南溟皆不外乎身求惜桑榆之晚景齊萬物以忘憂鄉人壽予以春酒見古道於田疇心如止水身如虛舟方逃名之不暇又何借夫曹邨偶煎茶於竹裏時把釣以臨流問先生兮林下覺此心其休休已矣乎人生行樂貴及時為誰去兮為誰留吾自吾之自主之東坡學淵明至死無歸期若鄙人之勇退守田而長耜訪桃源之舊路擬栗里之全詩引淵明為知己我其神交夫何疑由是頽養林泉足不履塵市仍日與門人講學不倦壽七十五終於咸遠之呂仙巖歸窆於彭山仙女山配孫

眉山縣志

卷十一人初志二

列士十

代印

氏生男昌晉縣丞暉晉以廩生授訓導昭晉舉人國子監學正繼室李氏生男書晉歲貢僧晉優貢馨晉殤著有思誠堂古文二卷古詩二卷莊子約解四卷楞嚴經贊解四卷村學究語一卷醒迷錄一卷訓蒙草一卷指月錄評十卷稗鈔二卷

暉晉鴻典仲子幼不慧母孫氏獨厚愛適常兒及長發憤進修成豐十年以廩生援例出貢光緒元年司訓涪州十年丁憂里居授徒多所成就十六年補簡州司訓又五年卒簡人士思其澤傷其貧相與扶助殯於城東老君橋生平無著述敬持家訓至老弗衰常戒後人學喫虧子育泰癸卯登賢書有泰廩生

李維楨字芳溪號樹堂成都縣人嘉慶丁丑聯捷進士知江西大

庾縣治連粵東苦多盜下車屢捕其渠痛治之民賴以安聽平民訟且判且勸不輕笞一人月課登歲科試賞拔實學士習為一變性剛直郡守朱數與齟齬乞養歸士民咸太息曰李爺清官也今去矣填街溢衢攀轅以餞甚有送至數百里者歸時不名一錢揚太守振剛高其節助金為贖回蜀後聘主眉山書院十有八年每歲生徒橫舍不能容教以經義成名者數百人州人以同科五孝廉同案十二茂才額其堂紀實矣臨終遺囑曰眉屬吾所友教身後魂魄猶樂思眉且風氣近古無錦城繁華習汝曹可居之遊籍于眉年五十六卒著有經腴堂文稿子炳澣增生保舉訓導鴻賓庠生德源廩生寶元歲貢納溪縣訓導

眉山縣志

卷十一人物志二

列士

十五

漢文石印社代印

李寶元維禎季子品方學懋家清素_六 館粟給養循循不倦從習舉業者多知名士後專治古文詞於經史發明推闡皆有獨得之趣光緒十八年擢重慶府教授其時府未專建書院為經史購承龍蒼舊書院房舍并議條約修復後授納溪縣教諭縣令許時中與訂交公餘輒寄情游詠閱數年棠所為詩文成帙曰琴鐸集付梓又自著懷人百韻以記一時名卿碩望之知遇戚舊門生之契合子廷英廩貢

弟堂字作賓自先世遷眉山學籍丹稜登拔萃科朝考 教諭候銓回蜀歷受州縣聘主講書院後為本省駐防八旗教習晚歲授徒於鄉課士根本六經從遊者窮達各有樹立師王曉山病朝

夕侍湯藥靡倦容及歿躬任葬歛華陽潘紫垣嘗采其謁北地王
作刻武侯祠

謁北地王祠賊氛城外狼豕吼降王表出謀周手可憐半壁好
鼎鐘巫女腐男解其紐先帝無佳兒後主有今後提劍獨向太
廟走烈祖神靈俱在石素車白馬青衣醜男兒安肯如孺婦臣
義不辱臣斷首吁嗟乎兵可集城可守將軍膽况大如斗一旅
尚能挾賊肘奈何東身歸虎口忍令喫艾如拉朽君不見拔劍
斫石士心勇上崩之勢真自取我來拈香奠杯酒書生精神為
抖擻如此英物死尸躡衝冠怒髮安樂叟 和金鳳岡惠陵懷
古涿州桑蓋童童起常有異人生在此不信池中產蛟龍且看

眉山縣志

卷十一 人物志二

列士 十六

漢文石印社代印

販夫作天子天子讖說當塗高御兒亦屬江東豪赤手依劉肩
漢鼎目中久已無孫曹孫曹狡黠窺神器英雄用武苦無地竭
自魚水契君臣萬丈青冥思奮起區區西蜀且偏安吳儂似鼠
白衣寒號亭暮氣連營火六軍一擲含辛酸不然美髯向宛葉
秦川一旅同會獵坐見阿瞞議遷都次第擒權奏奇捷到底卯
金玉氣終非關莫制主上東隆中早定三分策款款不待永安
宮永安宮裏宴車駕君才十倍伊周亞孺子可輔否自為心事
光明非譎假果然傑出嘆陳登知人不枉託股肱至今錦官城
外路艷說臣主共嘗蒸

彭璜字楚山第堂子幼恃父講滯力求有用之學嘗陳預備十二

策學使何紹基賞之咸豐十一年李逆亂眉隻身往偽營說降
曉以大義賊壯其膽弗聽亦弗怒笑留之尋逸出同治八年曾文
誠璧光撫黔以討苗亂延入幕十年二月永甯知州楊宗藩聘襄
軍務戰屢捷賊忿圍城凡四旬食盡城陷宗藩死之璞以知醫名
譚五受者賊帥也路安南城適病延璞治愈德之璞乘機宣布朝
廷威德及順逆利害五受感悟且泣具稟乞降璞首子為信檄降
稟歸白曾中丞暨周軍門達武當是時賊竄涪盤江以東涪貢豐
永甯扼鐵鎖橋互為犄角官軍連營百餘里苦進攻無聞閱降軍
准之十月十日五受果詣大軍降獻鐵鎖橋安貞永三城全軍獻
奮五受更名元輔同大軍招撫新城各寨與義五營悉平次年全

眉山縣志

卷十一人物志二

列七十七

漢文石印社代印

黔肅清璞歷保至同知直隸州弟瑋子灼章俱廩生隨營辦事保
績有差光緒二年歸省丁母憂尋卒志未大展士論惜之

彭瑋丹後籍廩生疎爽有大志同凡璞入曾文誠幕積功當補知
縣以母老不就歸養母患足疾躬負出入以為常深夜禱於庭減
算益母後果享壽九十餘

王培恩字木天恩貢生多悅鎮人聰穎而仁愛未冠食蘇州收彭
錫琬以遠到期之秋闈屢薦不售歸設帳從遊者眾別建藍池館
居之終日端坐對生徒研經論事不倦學求心得不尚剽竊及門
有貧不自給者助以膏火先後成就數百人州北人文蔚起林中
鼎盛其教澤之遺也同母八人朝夕相對怡怡然咸豐辛亥選拔

江安教諭年已耄矣得俸不自和反愛之念至老彌篤卒任
鄒克俊號三有迴龍場入道尤已立學於鄉有學行初立學不二
寺多所造就乙未大挑一等改授荊江縣許導縣學廢弛克俊至
倡建學宮繕書院置學田設義卷捐廉購書并運三蘇全集多部
貽森寶樓多方培植文化幸與知邑人某被誣陷大獄力為昭雪
卒任囊無一錢諸生醵金為扶藪歸葬事詳荊江邑志

焦桐字琴堂歲貢生多悅鄉人累告教授數十年課讀經史日有
定程從遊者多立品自愛士司鐸綏定府課諸生文行并重提撕
面命如在塾然保甯巴通各縣績學之士多來請業太守唐炯素
尊禮之咸豐庚申滇匪亂蜀委督修碉樓二十餘座賊至分陣守

眉山縣志

卷十一 人物志二 列士 十八

漢文石印社代印

無敢犯府屬山都民罕知學創設社學三十餘所為妥訂章程在
任十餘年教澤遠被性好施凡事有利於眾不惜捐助至老猶手
不釋卷計分類擇抄成書者約數十類年七十卒於官子山鼎去
子舉人光鼎戊午舉人署貴州湄潭縣知縣

山鼎字海峯夙聰穎年十四冠童子軍主者激賞其文嘆為烏才
弱冠登賢書有大志五上公車未獲售晚主講眉山書院十數年
因材施教從遊者皆得所成就去幼承家學宅心仁愛嘗仿范文

正公義田法勸鄉中父老積蓄田若曰種善園

募資七百餘畝買田六十七畝

以三十餘畝作義家三十餘畝為義田公舉嚴實首事經理咸豐
生息為興學育嬰施濟此種等會年終計有餘又以置田
七年立修明屋卷記其事鄉里窮民食惠者眾今讀其記有吾力

所能為者吾自為之吾力所不能為者與人共為之取諸人以為善天下事無不可為也各語其志可概見矣子炳猶有高材學使張文襄奏設專經書院首拔置之乙亥舉於鄉碑尊經堂更名授安
居鄉訓導炳勲歲貢

王兆損恩貢生多悅鎮人事親以孝聞好施濟以中待舉以者數十家子五文輝流為樓文焯號鳳台其登賢書文燠號鳳麟文燧號鳳閣文煨號鳳儀列明經恩拔優歲具備有五鳳齊飛之譽文輝兆損長子教品力學道光己酉舉於鄉北上三次留京卓有聲譽後十數年其三年文焯以拔貢中丁外順天鄉試考克八旗教習議敘知縣進授貴州安平縣未抵任卒文焯學行優異工書

眉山縣志

卷十一人物志二

列士十九

漢文石印社代印

法駸駸入晉人室片楮凡幅人爭寶之亦留京十餘年王公貴人樂與訂交京中多狹邪遊絕不近一日同鄉某置酒妓所給之往既覺乘某醉逸去其刻勵自守類此

白東乾字坤山號人筆序生思濠鎮人性倜儻髮逆亂時聚徒講學暇輒授以騎射搏擊之藝亦通易精於占驗咸豐庚申八月藍逆犯境時藍賊在丹後子懷拔懷緯及徒眾出禦與賊立戰賊不勝辛酉州牧李鈺聞其名延之入城襄辦團務及李逆率賊數萬薄城東乾親冒矢石悉眾登陴督長子懷拔領團勇與賊奮鬥於快活山各地賊據之六月抄密圍其家妻王氏妾石氏及家眾九人被執幽象耳寺欲以招降夜午大雷雨王氏伺間率家屬投醴泉河若

有所憑達游潭西岸獲生還先是道光末差役凌轢士類平民受魚肉時有舉人雷頌州人聯名百數訴於上官經年不能決俱畏縮幾死解東乾獨盾其後事得申理嚴懲諸役至今稱快其師物故室老無依迎養於家姊妹貧寡時周卹以全節義護城時錢穀經手八閱月事平旋里存糧三百石錢三千緡盡數入公州牧嘉之為請敘獎堅不受年八十餘卒

懷拔東乾長子有投勇辛酉九月督勇數百人搗賊快活山直抵其巢賊環刃之持大刀格鬥光閃如電當者辟易突圍還刀口屈抑有墳血左足襪履朱殷始知膝傷一時觀者莫不稱嘆

左級蘭字秋田晚號拙園世居眉西崇禮鄉曾祖明輝父隱德祖

眉山縣志

卷十一 人物志二

列士 二十

漢文石印社代印

之藩父乃經均州庠兄紹蘭字篋圃嘉慶甲子舉人才瞻學富十七年壬申續修眉州志頗資得力尤砥礪廉節三次北上未第級蘭學成於兄教尚友愛有宋陸氏家風癸酉選拔踰年兄逝級蘭哭甚哀里中傳祭兄哀辭讀者無不涕下事嫂教姪皆可法道光辛巳中鄉榜亞元大挑二等歷任南溪安岳訓導陞重慶府教授所至從學成進士者十一人登賢書者三十餘人及告歸宦囊無餘貨宴如也別宅近蘇祠七十九歲卒所著半耕堂集宣統初州牧許時中擬付梓未果

紹蘭軼壯烈伯李忠毅公

忠毅名長庚福建同安人剿海寇蔡牽十死上將鈴轅護

海洋狼氛數載靖寒芒戈揮吳越波千里甲障閩潮地一方鳳

島晨昏探鱷窟虎門風雨跨鼉梁勞能定國如公少合食東南
俎且香 營焱潛務私祭閱波平九重方何得長城咸期十丈
銅標暨那料千帆鐵甲驚鶴帳想猶朝魏闕龍韜應即盪欖星
勤王獻誠原初志急難遑求死後名 十載貔貅障水東輕裘
緩帶大僊風坐麾鬼域含沙遁環擁琴書聽鼓逢公工許折撫
阮公稽云詩
大龍破親地鼓乃矯矯須稟臨澳外循循綸羽在師中遙知轟
走揚此坐讀五書
折牆枕處旅泣寒荒鶴唳空 躡寇瓊洋入穴深傳來星殞悼
宸襟未酬北闕投醪意旋屬東床擊揖心公塔陳大忠請於浙
無領奏留海疆誓剿
賊賞學士書銘詩百牒將軍紀戰碣三尋飛騰 有騃駒在公
燕
莊子蛇豕何容躍黼黻 廣益庵坐館即事廣益禪庵淨界

眉山縣志

卷十一人物志二

烈士二十一

漢文石印社代印

寬羣材連袂赴文壇酒饒曲傲花三經詩詠迴廊竹兩竿鹿洞
幸陪末子席虎溪常結遠公歡將來悟得真如諦散去天花滿
上蘭 夏日遣懷長日流光九夏初消閒最是午晴餘到來佳
節先謀酒忘却清貧祇愛書世路賒教磨練熟山居久覺應酬
疎精明未審癡狂甚金石歌聲出敝廬

級蘭眉州賦蜀園開基蠶叢啟宇沃野提封膏腴天府乃建雄
州於焉夾輔江號青衣氏穀東魯瓦屋當其襟嘉陽作其戶天
文則并鬼分司地利則峨眉鎮撫萃人民於一郡辦城郭於九
危刺史耀其霓旌城壕獲其案堵判官放職而分曹少尹陰奸
而禦侮廣文謹爾膠庠防汎陳其卒伍所為秀甲中州而民歌

樂土然時分令者故稽沿革於當年習園方隅聊指廢興於往古苟立說之無徵雖空言兮何補原夫眉州稽諸紀載於秦則蜀郡舊區於漢則犍為勝概三國仍武陽之名兩晉隸益州之內曰青州曰嘉州蕭齊南梁之變更曰齊通曰眉州西魏北周之興廢其改齊通為廣東通義也隨開皇仁壽之年其易齊通置通義眉州也唐武德乾元之代其縣眉山而屬成都路也北宋之移置有由其仍眉山而隸嘉定州也至元之創因無礙降為眉縣洪武十三年而尋陞轄以上南有明二百年而猶在四門作其通衢三縣為其副倅於焉按厥輿圖稽其版籍或金牛之貢道始通或牂牁之咽喉可扼或近當南詔之衝或遠接夜

眉山縣志

卷十一人物志二

列士

二十二

漢文石印社代印

郎之柵五季而雉堞重新兩宋而人文鬱積迨至明衰爰遭獻逆林薄楓青江干水碧推廟貌之峨峨破都城之弈弈狼藉者文武之衣冠灰燼者閨閣之第宅登皞則為土豪揚展則為柱石城邊橫曳槩之舟江口認沉沙之戟萬人冢上草枯二郎壩中霜白經兵燹者數十餘載兼之瘟疫十九之內無二三登選舉者八百餘人即有碑銘十一之存以千百然與河山並壽固有其名而偕日月爭光猶存其蹟其山則有慕頤秀拔象耳增峻連鼇蹲踞筆架依憑赤崖可愛白虎誰憎或迴環於大旺或拱峙於隆興快活之烟光入畫飄然之仙氣常凝近則七龜衍其脈遠則三巖枕其肱挂榜還同雁塔丹岩自有神燈天上之

息台突兀雲間之龍鵠飛騰三峯五渡最奇特熊耳牛心遙喚
磨雖鐵桶之無當寶木假之堪稱其水則玻黎縹繞思濛濛激
平先似練醴泉如滬黃龍之祥一遇滄海之色千層豬龍現泉
於石佛虎皮分派於丹枝磨鍼溪前老人不在繫龍潭工仙子
何曾人物則令伯之孝思不匱御史之忠蓋雞灰揚岐之敦名
礪節陳公弼焚券珠財巢谷照人古道季常齊世洪才文章則
父子魏美薛義則兄弟齊末李仁甫解宗可慕家鉉翁處士堪
哀華老名垂典籍田公疏滿蘭臺懷總軍於水口訪宗伯於山
隈別有山公竈冷彭祖墳頽小浦之花爛熳環湖之水滌洄馬
券之銘水鉉龍眠之畫將推讀書台兮已圯起文閣兮誰開望

眉山縣志

卷十一人物志二

列女 二十三

漢文石印社代印

雁湖兮隱約游花洞兮徘徊明允之封塋砌生青草花卿之故
冢門鎖蒼苔曲沼荷承瑞枯榆榕裏栽可龍故里無有也石佛
山南安在哉遂乃問俗觀風民安物阜烟火萬家丁男八口冠
婚減卓氏之繁華喪祭同季良之豪右炭煤半是生涯鹽鹵亦
資荷負插田而聞田鼓之淵淵祈神而笑神巫之赳赳慶蜡則
慶元壇禳祭則禳北斗清明拜掃墳廬除歲招邀姑舅花朝則
蠶市將來小滿則蠟蟲可守賽田公於伏日道士靈符還蠶婦
於雷陽雄黃美酒土產則斑竹使君甘蔗知母預薯牽牛花菱
肥壯新茶生自總岡水獺出於深藪其園則荔支榛栗桃李枇
杷其圃則芍藥元脩菜菔菘其花則牡丹芍藥茉莉茶蘼其

木則松柏椴栲桐杞柳其鳥則畫眉反舌鶻鶴鷺鷺之三百
維羣其魚則土鳳龍鱖鯪鯉之十千維耦其穀則宜菽麥
稻粟其畜則宜牛鷄鹿狗夫維物力於焉豐饒而民風乃以醜
厚爾其幅頓一千餘里編戶二十四鄉招提百三十所村落三
十六場九里三分墟墻一萬餘兩丁糧一十二片宮定額二十
四廩隸為常學校之閒田千畝河渠之小渡萬航風則勤加乎
儉俗則女苦於郎業則耕兼乎讀音則宮雜乎商西南則山多
而田少東北則土沃而民強八方同為輻輳六縣共接邊疆東
界而交仁壽則五十里也南界而交青神則四十里也北界而
交彭山則三十里也千里舳舻既控東流之要害由彭山而北

眉山縣志

卷十一 人物志二

列女 二十四

漢文石印社代印

交新津又四十里也由青神而南交樂山又三十里也由丹稜
而交洪雅又六十里也由州治而西南交夾江則一百里也一
江襟帶實為北上之康莊離省則一百八十里也每易承通侯
之令至京則五千六百里也僉曰近天子之光若夫塘務則龍
安焦觀土門松江兼郵傳之大驛橋梁則通惠通津李相大石
使往來之要衝水利之饒則莫若通濟蕃頤黃連白馬之資其
灌溉廟祠之正又有若文昌關帝神禹川主之畫爾儀容其修
城隍也涂松巖則鳩工率作其建試院也梁素園則畫策寅恭
措紳先生董其事督學使者奏其庸而且再葺蘇祠縣先賢之
血食重新藝院培秀氣於儒宗人到黌宮仰藝林之山斗樓成

大慶普吏治於士農無功不與比戶可封七采差可並駕三蘇
實可追蹤於以比隆於三代而上達夫九重詳於事類哀述仿
老杜同谷體六章父兮母兮久乖離口欲言之雙淚垂六齡堂
背靈萱萎十三庭前大椿危半身耿耿風木悲而令一官守泮
池頭童齒豁已就衰幸邀升斗供朝炊力養祿養曾何時當日
音容想像之嗚呼一歌兮歌未艾寒蛩唧唧鳴秋籟 兄兮兄
兮同胞生相依為命友恭情少年發輟登雲程廿九賢書宴鹿
鳴京華三度賦北征歸來震屏山月明年將強仕夢兩極長途
使我一足雙三十餘年悲孤博平生友愛空營營嗚呼再歌兮
歌亦苦對床夜夜無風雨 猶子猶子心感傷弟兄相繼並殂

亡岳指年皆三十強死者日復一日長存者衣食走四方冠婚
嫁娶我獨當女姪孳孳歸節即思釵荆裹布同糟糠吾兄福
薄吾德涼門祚衰微無餘慶嗚呼三歌兮歌併發人生幾見團
圓月 有子有子家長男讀書不成空抱慚豫工籌備捐雲南
官簿學況全未諳一朝委蛻似繭蠶嗟哉汝死汝豈甘吾年衰
邁吾何堪縱有長孫青勝藍垂角年纔十二三安知繩武能負
擔嗚呼四歌兮歌未已坡黎江上悲風起 有兒有兒形相偏
右手能執左手拳與我同生甲辰年岐嶷穉小左右旋再舉二
子瓜綿綿去年長男中道捐良哉一生影渺然每欲攜家還歸
田遊者長已生者憐盼將成立雙眸穿嗚呼五歌兮歌正長斜

月滿林天有霜 有妾有妾形侏儒雖不醜亦不都十指箕
斗蝸紋麤七年待我托盤盂一女一兒言呬唔一兒學步行踈
踈一兒猶裹繡羅襦自笑堂前百子圖此事雖遲全勝無我能
親見成人乎嗚呼六歌兮歌送庭蘭著色露清臭 焚舟戰
述揚展功也 驍健揚將軍明之故參將少時喜讀陰符篇馬上談兵
空所向崇損十七年獻賊由東上長驅直逼成都城破王城郭
居王庭王庭府庫足金寶載以數十巨艘從水道將軍提兵扼
之皂江泓戈鋌耀日陰風生將軍妙計無不可要令羣賊死於
水亦死於火一艘復一艘霹靂沉江底烟燄塵漲天賊船無一
起破賊如破竹賊乃大創矣洪波屍填水不流回祿餘威風力

眉山縣志

卷十一人物志二

列士 二十六

漢文石印社代印

遭賊逃不及咸焦頭將軍殺賊威聲壯賊奔十决還十盜恢復
川南四五州半壁蕞蕞資保障吁嗟乎將軍有才能破賊可恨
杯酒賺人李乾德不有玉吾仁且智危哉一子保不得君不見
白浪滔滔江上津嘉慶元年有人淘金銀 王媪言感媪述崇家世也
禎末大旱饑鄉里人相食不擇瘦與肥我祖大貴公年甫十二
與兄大榮貧相依不料禍無門近在眉睫裏幸逢王媪報凶聞
云有鄰家姓周土豹子且將殺爾弟兄作肉糜不逃不免膏人
齒莞莞大貴公出走温江縣僑居寄魏莊兄弟不相見哀哉流
寓與粹粹一息如寒灰康熙四十五年啟攢繞自温江回痛定
思痛心肝摧嗚呼甯為太平犬莫作離亂人儻非王媪言左氏

安得一家數百口繩繩七葉傳及身吁噫嗟生死肉骨誰則知
尸祝王媪吾宗祠

鄧鍾崙庠生治西燕子富人事繼母至孝母病醫藥祈禱畢竭其
誠篤愛繼母弟讓雇代償宿債業師鄧敬堂晚歲病瞽迎養於家
沒葬祭如禮次子思洵貢生榮光佐光皆入庠

鄧思洵字雲溪思貢東城人持己方正重節義藍李圍城急貙毒
酒以待曰城破即飲此毋為賊刃汚有貧隣歲抄被竊志欲死思
洵挾金夜投之俾自釋其不忍人類此家不中貨事母孝有自遠
方來聘雖其厚脩却不受性恥干謁恆托吟詠以見志

學壽昌

為周應
燕作

昔人尋母書血經東城詩賀留典型維周氏子

眉山縣志

卷十一人物志二

列女二十七

漢文石印社代印

年當毀齒生不見爺哭問所以一解母曰嗟文奉兒父名去家
半載兒甫生昨日雁書傳云牧羊青海天涯夜夜夢猶在二解

文奉買由
寧夷掠去

兒聞益傷情成童亟請行阿母與信具秋風雨脚輕

北棧青天西涼紫烟夜行晝伏六千里顛連三解遍訪村落纔

與父遇父不識兒兒出信具父乃恍然悟相持大哭亂奴蜂集

一番顛末具陳四圍紛紛淚雨溼四解兒起徧拜揖為言憐兒

父請得歸故土酋長感其誠面許不相苦推牛餞之賜書與旗

蠻荒一路欣解頤玉關重度五月抵門楫五解父見夫兒見母

一家歡然笑開口屈指蘇武去鄉年已十九去時無鬚來成叟

出門無兒歸有後從今不學牛馬走明年與兒迎新偶父子夫

婦正相商四鄰聞之齊進酒族黨坐左親事右共說司農偕不
朽六解 於我殯為五中 乾隆間王子占古君子真孝廉作宰
鳴琴喪親廬墓良治家傳慈航人渡業已計出萬全茲特為歌
伐木一篇較宋巢谷明余祥殆無愧焉公以壬午鄉薦赴京國
北去西來囊橐無色有某同鄉半塗傾蓋結肝腸朝盟車笠夕
病膏肓公為延和緩製薑黃誰知婁穆三縛難解終偕顏卜作
修文郎生事緩死事迫伯桃已矣羊角畫何策裘一領質典庫
馬一頭賣當路經紀後事一一無誤黔婁衾荀偃珍前和後顯
斑而卷四阿外內齊檢勘殯三日日出靈輒靈左執紼右持公親
御柩晨昏役是司國君載牌耶大夫輿櫬耶交必刻頸其諸廉

眉山縣志

卷十一人物志二

列士 二十八

漢文石印社代印

蘭耶紆道大梁南指荆襄捨陸而水又買輕航金已空糧何有
黃頭郎甚多口伍員吹簫為父兄公竟行乞為良友跋涉閒關
蹭蹬維艱容無倦兮言無怨氣不餒兮力不孱遷延半載返某
家山對某公子一淚泫泫吁嗟乎某之交遊遍三已日日酒食
聯爪牙黃金散盡故人死回顧交遊盡去矣當日不與王公遇
諸塗萬里寤鬼能歸乎大哉信義永作楷模

王萃雲字曉山歲貢城東人家徒四壁瀟灑自如善書作擘窠大
字骨格蒼老性嗜酒求書者必先攜酒與飲半酣後濡毫揮如
天馬行空不可羈勒眉山得其遺墨珍若拱璧學使張文襄稱為
逸品亦工畫詩乘興吟詠不存稿年七十餘卒

遊西湖詩云一番微雨一番風布穀啼春綠映紅茅店依稀雲
樹裏酒旂飄渺翠烟中山當曲處閒雲補水到灣頭古渡通別
有遊人先賞酒垂楊下繫五花轡

何紹蘇字毓眉黃中壩人咸豐癸丑以舉人大挑二等銓資陽縣
教諭能得士心丁母憂歸里諸生思慕不置縣令禮聘主講資陽
書院為士類矜式服闋署太平縣訓導令以私忿褫武生力爭成
釁事聞於府委訓導焦桐查詢以鄉誼竊為勸曰何樂為此耶遽
作色曰丈夫寧為五鼎烹安能容此吞舟鯨其傲岸如此泊事白
記功一次太平人至今稱道勿衰

鄭國盛千總幼以孝聞父卒母病癰移寢母室扶掖搔抑夜起十

眉山縣志

卷十一 人物志二

列女二十九

漢文石印社代印

餘次母憐其勞命買婢自代輒唯之而已諭家人曰母病不愈每
自恨奉養失宜詎可使他人代乎聞者莫服

謝玉聯家貧傭以養母母徐氏病癰左右扶持不少懈每日晨炊
奉母膳畢始出傭傭必擇地以便省視入肆必市所嗜歸奉躬滌
裳澤滌廁踰罔懈母病八年不自知其苦也

汪孺子有至性土賊劫其家父游泰執挾擊賊被推仆賊及之孺
子年未十歲伏父背賊牽之不去且號且罵卒同遇害州牧李德
良勘驗猶見兩手緊握父衣為流涕焉適藍逆竄眉未上聞

王增元庠生母唐氏通經史少割股救姑無知者晚歲諸子見創
痕再三詰問始告之且曰此盡吾心非以求名也戒勿言增元遵

母教力耕且讀弱冠游庠以勤儉起家嘗出貨數十金積數十券一日召子曰親友久借不償非負我也貧矣留券實為後素恐焚之年八十六卒子嗣熙廩生

嗣熙幼有至性善事親問寢視膳出告反面至老不衰每赴城市必速歸恐倚門懸望侍疾不解帶調藥滌穢悉躬親之析產聽弟自擇不與較父沒哀毀骨立竟以憂卒

謝埽帚貧甚事母至孝母病癱八年傭工為養起居扶持能曲承母意一日傷於犬以不能事母自恨且泣適於道拾銀少許奉養得不缺人謂誠孝所感云

張熹明永壽鄉人少失怙恃兄早亡家赤貧一弟一姪俱幼傭工

眉山縣志

卷十一人物志二

列士

三十

漢文石印社代印

給養勤苦十餘年置田百餘畝弟姪婚配後求柝爨泣勸弗能止遂三分焉越數年熹明家益裕弟姪產盡落又各與己田二十畝使耕歲租有無勿較常嘆曰日月急似梭弟兄時幾何月必招弟飲歡酬盡歡而散捐金二百建穆家溝二石橋年七十八無疾卒田世翰九歲失怙恃賴王母黃氏撫育長善騎射多技能曲盡誠敬得王母歡與仲弟同居數十載內外無間姪嘗於後圃拾金自匿世翰不過問積勤致裕年踰六十始分爨生平喜施與好排解孫玉輝性敏好學有文譽廉介自持不苟同流俗以歲貢終伍兆宗多悅鄉人販油為業兄與弟皆赤貧不時貲助女姪數人于歸代治妝奩一同已女仲兄年七十餘居隔里許無日不親往

存問手足之情至老彌篤生平恭謹謙和與人無忤雖豪徒悍卒亦稱為盛德長者子德邦入成均年八十二卒
雷正臺處士父兄早卒母性嚴稍拂意輒笞責不怒正臺年近四旬猶跪受鞭撻勤耕作兼營商業先後置田五百餘畝母卒事嫂如母撫姪如子及析產一錢不自私茲黨義之晚年好善樂施并刻先民格言勸世子步雲入成均孫火壯入庠
余慎修余橋人年少跳盪不羈及壯猛悟繩趨尺步刻志苦學八旬後猶健教授生徒成名者眾應鄉試三十有二科屢薦不售光緒元年恩賜舉人自謂平生得力在改過常舉以教後學焉卒年九十四

眉山縣志

卷十一 人物志二

列士

三十一

漢文石印社代印

熊陳常字拙山積學勵行耄年始入庠恩賜舉人一生不隨流俗懷清履潔為士類式

尹玉章童年有文譽州牧吳友篋深器之中年後以第一入庠課徒嚴飭循循不倦及門多所成就時望屬焉

戴金銘太平場處士好施與不慕榮利晚歲自捐田畝建宗祠遂遷居其間興義學造橋梁置義塚施棺送藥刻先正格言費鉅不自惜時有善人之稱生平篤於友愛兄弟三人雖異居出入必肩隨有美饌輒邀與同食孫曾百數五世同堂光緒中葉鄉人請建坊旌表年八十有三卒之日家人齊集沐浴衣冠端坐中堂含笑而逝

戴金甌金銘弟謹原有遠慮秦曉水利同治初充堰長并擬茶頤堰口與有勞焉兄金銘有子六人分產後常仰資助積欠甚多置不問嘗借趙才趙五百金未書券家人無知其事者趙沒親攜銀往對索給其子年收租穀見佃戶無餘糧必酌分若干為助不計息尤善忍里中有橫逆詈之者但笑不應或告以指名斥罵復笑曰人多同名者終無怒容

李時倫嘗修泥溪河良龍溪

即爛灘嶺小溪

二石橋約費千金

以上光緒遺稿

胡顯堂城西人其懿行有可為世勸者舉人劉鴻典為作墓志略云顯堂諱某眉之醴泉山人幼失恃賴大母撫之成立曾渡江失足溺水中飄泊二十餘里若有物負之得不死識者奇之家窶貧

眉山縣志

卷十一人物志二

列女三十二

漢文石印社代印

隨父牽車餬口頗有億中才一日偕友人將之嘉州至中途宿旅店有不相識者數人同室天甫明數人匆匆馳去遺一行囊內貯白金三百顯堂起而見之笑謂友人曰彼何人斯可謂孟浪友人曰君意若何顯堂曰我嘗稍留俟其返而還之無何失金者果踞蹶至顯堂核其銖兩悉符完璧歸之失金者以數金酬堅卻不受於是彼此訂交始悉其為嘉州謝某亦貿易中人也而顯堂初未嘗以此事告人人有知之者為予言予問其子永輝曰不知歸問其母母曰信噫爾父囑吾勿言顯堂年進四十方娶無一生無二色客嘉州時同伴有好狎邪遊者顯堂力為勸戒其人陽感而陰忌之始之飲妓家代給纏頭金命妓強留宿且反扃其門逼之顯

堂毅然不亂大呼開門外無應者不得已破扉出以金償其人曰承君厚意但戒之在色聖言未敢忘也晚年每以此垂為庭訓曰吾於當時豈真目中有妓心中無妓但念此亦人子女易地以思故不忍又聞佛家戒淫孽果報昭彰故不敢強制須臾至今心無愧怍此固吾所閱歷而差堪自信者也汝曹識之嗟乎見遺金於窮途遇美色於暗室古人所謂試金石也即禪先則古之流設身處地難保不喪其所守顯堂以市井中人獨能磊磊落落若是不誠可以羞當世之意氣自豪而辱身賤行者哉顯堂貌端嚴性樸厚言笑不苟雖讀書無幾而居心行事往往暗與古合大母壽屆期顯父亦年登耄耋皆致敬盡養終其身不衰篤愛同胞厚待猶

眉山縣志

卷十一人物志二

列士

三十三

漢文石印社代印

子宗族鄉黨咸稱之其餘扶危濟困一切善舉尤多皆以為分所當為之事為之絕不與人言而人亦罕知之者沒之歲米價昂貴顯堂病劇時猶慮貧人無以聊生憂嘆再四吁豈非賢人君子之用心耶子永輝

朱曰清以醫世其業舉人劉鴻典為作傳畧云曰清江右南昌豐城泊濂人也係宋儒朱考亭之後裔世代讀書皆守家風講理學謂濟人之道不為良相必為良醫所以乃祖乃父皆精岐黃之術父文承公挾其技遊蜀僑寓眉之思濠場繼復徙居王家場有王叔和葉天士遺風其徒彭兆寬克紹其業曰清在家鄉躬耕養母母喜食魚遂於宅外掘一池養魚日持竿釣數尾上供暇讀考亭

全書毅然有希聖希賢之志不汲汲於科名故不屑為時藝娶葛氏生一子賢孝能得母氏歡於是奉母命入蜀省父文承公喜其與兆寬相得如昆弟使主藥肆遂東歸曰清在王家場體父志以濟人人無論貧富時無論寒暑病者踵門請必為診治未嘗居施藥之名而無錢服藥者求之必應下至乞丐亦沾其惠焉生平無他嗜好推專愛儒修其尊禮師長敬重文士有非人所能及者次子鹿門遊庠食餼貢入成均人咸以為重道之報予昔年與鹿門同學嘗一至其家初謁見恂恂然了不異人及奠酒閒談言曾遊天下十一省而風俗人心之厚未有如蜀者眉州為三蘇故鄉山川之靈秀又甲於蜀予之寄跡於此非偶然也予方知其為隱君

眉山縣志

卷十一 人物志二

列士

三十四

漢文石印社代印

子心傾慕者久之今已逝十餘年矣鹿門倩予為作傳因就予所聞於鹿門者書之在眉嬰陳氏生三子鹿門其一也餘二子仍守蓋業云

鹿門名衣點光緒間恩貢生以年例欽賜舉人安貧好學喜藏書發軸常滿架中丞某在錦江書院曾與鹿門同學於李西溎先生後從欽使李鴻章經眉微服訪之勸仕進不應自甘粗糲日惟閉門以書自適力不能置者從友借抄至老不倦及卒家無長物子孫售書以殮聞者惜焉今搜其遺本得蜀談十二卷蓋鹿門留意蜀中文獻於古今書籍摘抄成帙者條注所出計書凡數十種李肯堂洪廟場歲首有學行友于甚篤家貧設帳訓徒從游者衆

弟肯構初業農性聰穎暇輒聽兄講業願親經許之壽入庠食餼
肯堂以歲貢銓羅江縣教諭秩滿解組年七十餘與弟同居親愛
如孩提均享壽八十餘

王文員字碩甫多悅鄉人父兆檀質直好義藍李逆犯眉鄉氏數
百家移鄭山口太平寨避亂推為總理保衛有法衆倚為安長子
文鑑歲貢文員其次子也光緒丙子科領鄉薦連捷舉進士朝考
以知縣用丁憂歸里先後主講嘉定九峯書院眉山書院服闋署
山西萬泉縣知縣甫下車勸課農桑剷除積弊期月有政聲泉邑
地瘠而學弛創立書院置經籍膏火以嘉惠士林在任四年政
和俗美公暇則詣學與諸生講求道藝鄰邑知名士爭就學焉未

眉山縣志

卷十一 人物志二

列士

三十五

漢文石印社代印

幾以直見嫉改調懷仁旋補實授地在雁門北沙磧荒遠氣候嚴
寒有斯土之命者輟藉故規避文員奉命夷然歷十餘年無廢事
初至連年荒旱餓莩載途食樹皮草根幾盡屢上告乞賑皆以邊
漠視之躬詣大同府請命凡六往返獲允復捐廉勸募為濟民賴
以生流亡漸集與民興利除害墾荒辦團不遺餘力民愛若父母
去之日繪像祀之光緒庚子亂德宗侍太后由宣化張家口西幸
經懷仁文員以縣瘠苦委身待命奔走供應一矢至誠卒使乘輿
得安民亦不擾時中官某使人諷以五百金為贖予右遷文員謝
曰富貴非我願也竟被讒去官巡撫岑春暄知其賢旋以諳練老
成咨部升署甯武知府履任三閱月卒計居官二十餘年悃悃無

華本其所學力矯粉飾苟且之習俸有餘輒寄歸分俾親友既沒奉靈輅歸葬家無餘儲

杜昌榮字克齋歲貢王家場人淹博能文尚風義事兄克敬且讓出嗣叔清咸豐間奉委開辦津貼賑議加收庫平火耗局費輕重莫決昌榮謂正供市平銀一兩加收八分足矣如不足甘墊繳言頗激烈議始定後卒供應無絀繼者視為成例莫敢加至今鄉里稱之好施予族黨貧不能養或無力嫁娶喪葬者皆賴以濟

熊時敏字勁侯治北破羅塘人父芝輔官冕甯縣二四營把總因留寓時敏性耿介讀書知大體清咸豐十年入伍討藍逆有功赴陝充穆將軍營哨弁從討回匪適本軍為敵營隔斷消息中梗令

眉山縣志

卷十一 人物志二

烈士

三十六

漢文石印社代印

有敢越敵營信約我軍火攻者受上賞時敏應令往克捷升管帶計其間晝伏宵行旬刻山谿榛莽中凡歷五日夜始出險回川摧分統會欽差俞某至當屬部下心鄙其行不就隻身入秦為僧年餘應穆將軍招始出屢立戰功光緒三年以副將加總兵銜入覲分發貴州借補朗洞營參將巡撫李菊譜厚為禮時西南普安營匪勢蔓延菊譜憂之時敏願降調普安遊擊剋日肅清隨護理安義鎮總兵適陳長脚捍謀亂聚苗匪數千代屯脚場時敏偵知其除日會議舉事預派敢死兵廿餘人易裝作商販狀散伏四圍至夜分躬率精兵至其處賊衆驚訖宴酣達旦突出不意擒斬之二十四年補威靈鎮總兵越年署安義鎮時廣西遊匪勢張甚圍迫

日近時敏慮眾寡不敵集妻女於署後樓上暗囑所部貯火藥樓下約有變先自焚日惟身先士卒盡力防剿會援兵調集賊退初在大定協任遇旱民乏食穀麥涌貴時敏詞知屯戶多難閉自封密使勸售謂熊協賑穀將至價且落不聽即自發糶夜靜密馳營馬往返於道佯言賑穀大批運至次日發糶有加夜復如之屯戶糶爭出售穀價立平居恆喜讀唐宋及有清名人詩集間亦以詩見志冕甯鄧明經幼所從遊年必饋問在大定任聞鄧病故因感涕成詩家書未折淚先垂使者宣言梁木頽凶信浮聞千里外傷來生門下約再歷仕協鎮必躬自巡夜宵小為敬遠尤長折獄才花五文拜先師百姓安之生平危坐無偏倚好整潔去任凡所遺房室使糞除如

眉山縣志

卷十一人物志二

烈士 三十七

漢文石印社代印

初人謂其有郭有道風年七十三復調鎮遠旋升署提督未抵任卒妾陳氏殉聞者哀之

李朝珠白馬鄉葉廟子人世業農十歲失怙貧不能自養藍李亂應楚軍役隨營駐河南省會十年補正兵適捻匪竄擾山陝朝珠隨曹文正左文襄兩公征討積功二十餘年由把總保陞協鎮光緒十六年回籍自述前事三十年官榆林鎮年已七十餘後僑寓山西

冷玉明耆氏劉鴻典為作傳云眉之青衣鄉有隱君子為自耕而食暇則讀書以自娛不求仕進不復城市不妄與人交人亦罕有知之者及至年踰百歲人方灑然異之予掌眉州書院時問門人

有識之者古冷生述春科曰此即春之祀當社祖也名玉明字朗山現年百有四歲問其生平性木訥敦孝友家產中貧而於人之病不能藥死無以殮者常周之即囊中匱乏亦平 假貸以助鄰里欽其賢延為童子師十有七年妻某氏生男一女二婚嫁畢男忽夭亡其時朗山年七十矣族人羨公養之而瓜分其產會其長女歸甯聞之憤然曰家有恆產奈何舉以長人吾人精神費鏹豈不能再生子力勸其母為之買妾復生二男一女婚嫁又畢且抱孫而嫡妻乃亡壽九十妻亦年踰花甲而朗山尚鶴髮童顏如故也予言於邑侯廖公將為之請旌於朝朗山以不願表揚辭異哉是賢而隱於老者也冷生求予為之傳予心許之越一年而朗山

眉山縣志

卷十一人物志二

列士

三十八

漢文石印社代印

卒蓋百有五歲云

周孝子見劉鴻典思誠堂文集其傳曰周生名其乎吉人眉州人咸豐癸丑予掌眉山書院生來受業於門卓犖小就惟不屑為世俗之文而執經問難每於古人之忠孝大節必究其所以然人或以迂拙輕之而予固陋有異乎其為人也越二年予辭眉山講席安硯於滄水之南生挾負安相從以親在不忍遠離泣數行予曉以道指大路之言生乃含淚別李賊撓眉之日子辟難成都省城既而門人胡永輝至備言生父子遇賊於道賊執其父將殺之生奔救賊并殺之意可謂慘矣顧吾思孔子之論成人也見得思義見危授命此非可以取隱於脫時也必平日有內鎮之功外持之

力灼見名教綱常之重有不容毫髮自寬苟且倖免者而後能脫然於生死之際而不清當生父被執之時使生之心猶涉游移以以夫夫可而不顧其父而生顧不為吾彼其心祇知有父耳祇知父之壯文而不得不救耳一片精純之血性不誠可以誓夫血而大也神哉經云志士仁人無求生以害仁有殺生以成仁而子與廣其義曰死亦我所惡所惡有甚於死者故患有所不避當日生嘗以此二章相質予為之講其大概乃不料其刻骨銘心而竟能見之實行如此也人生孰不有一死而死或重於泰山或輕於鴻毛若生之死可謂重於泰山矣吾初聞生之死而悲悲其死於賊也既聞死之故而喜喜其死於父也死於父則死且不朽非特吾

眉山縣志

卷十一 人物志二

烈士

三十九

漢文石印社代印

黨之光亦閭里之榮困爰為之傳而以孝子許之操月旦者當不以予為阿好也

劉學古多悅鄉人光緒丙子科副貢家貧性至孝母病剃衣服被帳躬自浣濯或怪其過勞曰慮假手兒婦不潔致傷母心任漢川州尊惟以讀書立品教諸生恥計束脩卸屐歸情貧如故

趙德義字敦常龍安鋪人性至孝母六旬足患佚傷遇藍逆亂負母逃避新津縣山中苦乏醫藥又負之河東劉壩就醫卒哀毀骨立賊平輿觀返俗謂死者入宅不祥德義不聽停柩中堂五日祭葬如儀

王裴彝太和場廩生敦品勵學性至孝母胡氏患足疾起居既艱

需人柴薪躬親奉事朝夕不離二十餘年如一日宣統二年舉孝廉方正不就

宋國廷嫗婆嶺人姓李年十餘為人牧母早世父學周去滇不返國廷思父常隱泣或結曰客死滇葬某處心竊識之徑攜所蓄備直往徧訪半載無耗囊罄丐歸備按家仍日夕念父某年臘月間中表某言十年前曾於景東縣嶺中鎮鼓卯場覲父而急欲往計備直約三十釧悉取物作川資族叔以前事戒之不聽元旦遍拜祖塋首途歷諸艱險時賢靈荒嶺多虎豹毒螫且始開山國廷仲春至急不能待邊前所遺惡變幾頭死三閱月抵其處出市所取物往返間見斑白者負兒階前執帚奠除鶩類父呼之愕不

眉山縣志

卷十一人物志二

列女 四十

漢文石印社代印

谷審視不謬泣跪曰父忘兒乎學周應試以故鄉事聞述狀訖相持大哭先是學周至滇備狄翁家為兒保歷年久翁愛其勤樸厚遇之至其時襁負兒已入庠矣國廷適父住狄家牛載卒無訐勸父歸泣辭返川次年往始知前歸甫十日父已物故撫柩友已秋土為葬自此歲赴滇省墓因憇遷獲利娶妻生二子擬遣置次子於景東守墓時變未果

李坤山萬勝鎮人物業儒有至性事母以孝聞族黨無間言世居曾其崖老黃頂距場二十餘里母者市蒸黃糕日親往市盥手持歸為敬視膳問寢數十年無間年過六旬未嘗一夜外宿遇母不怡輒繞膝作兒戲得歡乃已或怒責必跪受進食親調餼雖子婦

滿前不令代也民國六年母年一百三歲終坤山亦七十餘寢苦
枕塊哀痛彌篤朝夕食必奠出入必告奉事如生子四作舟作霖
入庠

龍芳陽芳喜永壽鎮龍橋人兄弟友愛出入輒肩隨陽病喜侍湯

藥至以身代為禱四世一堂舉家數十口有雍睦風學正五成緒

序長依號二難兄弟皆登上壽終身無間鄉黨至今稱道芳賜

子文事蹟另詳

龍 文字玉亭又號郁雲歲貢永壽鎮人有學行急公義居身謹

飭教子嚴子雖在學農忙時亦命赤足力田平居講求治事熱忠

慎行歷辦縣中公益皆能括括以底於成光緒辛丑歲州牧尹壽

眉山縣志

卷十一人物志二

列上 四十一

漢文石印社代印

學以慕頤堰務廢弛亟思整興委文清文文受任精思孰慮仿古

立竿遺意履文其法分全堰為二十四段親同劉焱等履勘訂界

行不三日歲事即由各段首領將段內水戶田畝揭榜俾眾指

駁如某段有誤復丈三日後無人指駁即照冊以垂永久興

設堰局安定章程作工收費均有法經行後農無歎歲庚申選授

樂至縣訓導創學校數十處有成績奉提學使方旭調省充高等

學校監學次年劄委眉屬中學校監督學生皆奉法維謹學使會

總督以教育持正洗盡蕙張奏保卓異書自記其二十三歲光緒

九年肄業江書院受牛

事歸休眉舊有鶴山祠在學正齋右崇祀魏了翁三年賣官廢並

及之文時長教育會力爭得請沒後堰氏公請附祀韓公祠
王崇德多悅鄉大窩山人家貧兄崇智均中年失偶各出
傭於外惟德有子名布順甫韶壯為人勇壯德往蒲江鑄石硯自
養技精巧補令賞其能召入署工作得直漸厚子長賃田耕亦勤
儉家稍裕德歸思兄弟恭切謂其子曰今吾父子不食有所未知
汝伯叔何在言之泣下子請出尋至蒲經過叔叔習其地久請歸
不許布順跪致父意始同返無何伯亦歸兄弟歡聚一堂龐眉皓
首謔笑終日出遊則前襟後裾不稍離布順事伯叔如父卜壽藏
三同時修築無軒輊俱享壽九十餘人豔稱之
郭文江字錦波歲貢城西人彭山縣進士周翔為誌墓其略云錦

眉山縣志

卷十一 人物志二

列士

四十二

漢文石印社代印

波世有清德儉約自守好讀書弱冠補博士弟子員意不在青一
袷負笈成都有年繼而闕塾授徒摩研削牘昕夕無稍間洎遭大
故家政無主者食指日漸繁贊則為治生計移居賈區司積著以
明經進士老馬先是藍李之亂北竄眉先生挈眷避省垣流轉兵
間僅而獲免事平歸里澹於進取刻意造就諸弟子姪時或屏當
婚嫁料量米鹽項細於課程一無誤嘗嘆曰計然七策陶朱用其
二以致富然不能禁其子殺人且因長男重棄財而速之死豈非
嬌嬈不教之過與雖累貲巨萬胡為者弟靜波宦秦中遺書往復
諄囑勿內顧及聞病歿嗷啣殯絕亟為謀喪葬計儲序育孤卹嫠
終其身如一日子慶琮文學純茂以增貢議叙通判

郭文瀾字澄波城西人性倜儻工書法有文行弱冠就傅眉山書院山長饒拱辰先生奇其材時哥老禁嚴官府通搜得鄉民會籍株連者衆文瀾以愚民無知請於饒先生代白事得寢旋以第一名補上庠後從點撫曹文誠公討貴州苗亂以功擢知縣簽分陝西補用加五品銜嘗督辦三原屯墾縣屬迤迴田疇荒穢戶口流亡為勞來安集分給牛籽歷三年闢地至萬餘頃嗣襄審南鄭縣清給積案約二百餘起爬梳搜剔曲直咸得其平大吏以為能檄委漢南釐局卒於官妻任氏伶仃護喪歸葬生平律已持家一以勤儉家書計盈篋均諄切可為則儆子四慶瑛慶瑒慶珍慶琳瑤事詳後傳琳舉人山西知縣

眉山縣志

卷十一 人物志二

列五

四十三

漢文石印社代印

郭慶瑤文瀾次子庠生奉母孝光緒末援例納粟以知縣分發貴州權興義縣事在任訟平刑簡興學練團尤加意實業旋代興義府篆廣順州牧某縱丁滋釀命案檄委查辦不為徇從著鎮遠縣事烟禁驟嚴鄉愚抗令勢洶洶為竭誠開導卒感悟上游加獎異焉適民軍起郡守丁憂去職被推攝府篆地方黨派紛歧駐防軍隊復躍躍欲動為捐廉犒賞委曲調停得無恙黃平苗匪潘也當偕號攻臨城池乘機剽掠計擒斬之鎮瀕河夏秋水發田廬胥淪澤國捐貲培修人初議為不急工竣河水陡漲羣始嘆服民國仍任縣事以喪亂之餘留心地方利弊勸學勞農設義倉修城垣閱兩年餘民攸賴之去之日士民刊碑紀績嗣調任普定僻在西墻

政務清簡不以苟易自安有右示棍未任文學其間常依分起束
燭治官書性反定季弟慶琳登賢書筮任日月書督責不稍貸卒
從祀鎮遠甘公祠

李炳燮字蓉鏡庠生太平場人少孤事繼母金氏至孝家初小業
異母弟事游蕩母不為禁兩突泣諫或觸母怒輒長跪俟改容方
起時作俚歌訓弟卒不悛家用蕩然炳廢舌耕奉母一錢不敢自
私或勸與弟析居曰弟無賴母能安予入庠後強攜弟入塾朝夕
與居終得感悔力農子二長鄧光入庠

趙家驥增生太平場人玉堂次子生母早逝家惟祖田十數畝家
驥從學兀力田父令析鬻輪養閱數年家驥入庠旋悼喪偶繼室

眉山縣志

卷十一 人物志二

列士

四十四

漢文石印社代印

陳氏賢且孝自度舌耕所入稍豐請父偕繼母就養父初不允旋
鑿其誠許之然仍令長子助俸教疏卻曰一子不養父母耶父享
年九十一歲繼母先沒喪葬盡禮業師青神歲貢王紹修秉鐸雲
陽卒於官其子樸厚以扶櫬邀往助理時年將六十又獲返數千
里臨行家人泣阻曉之曰師門急難而不與臂助何用弟子為教
然偕往舟歸屢瀕險卒得安抵里閭為人方正敢言重禮讓鄉黨
望承顏色息爭訟者二十餘年

陳三恪字麟長張家坎人丁酉拔貢性孝友母金氏患癰因醫治
不便與弟士驥親吮得痊士驥鬻齡入庠有文譽三恪篤愛之病
危時三恪設帳侯庵聞信急歸冒暑行汗如雨適豁漲為阻舟不

及待赤足徑涉因病溼至晚年不瘥光緒庚子主講眉山書院力
矯帖括陋習以經史課士日有定程終日危坐與諸生辨難毋稍
懈俊秀多出其門精訓誥尤通三傳著有說文部首註釋公羊註
釋各一卷年五十卒

張翁字晴皋歲貢多悅鎮人家貧友于甚篤弱冠補上庠為士林
望弟書紳被同學命案株累逮雅州覆審翁往來營救不避艱險
踈蹶數百里足趾為穿歲除猶在道學使張之洞按臨眉試翁詣
行轅狀寃張廉得其情准予昭雪由是家益落兄早故事嫂撫侄
情居耕以贍積數十年業漸裕三折其產無分毫私

杜長吉永壽鎮人昆第四吉居長奉父遺訓以大義為諸弟倡偕

眉山縣志

卷十一 人物志二

列上 四十五

漢文石印社代印

婦謝氏朝耕夜織或出而貿易獨任辛苦置田八十餘畝析產時
弟議提貲酬其勞卻不售并以應得全讓歸弟族黨稱其友愛
戴萬形太平場人與兄萬才友愛甚篤出入肩隨聞妯娌詬評聲
立為警諭或各責其婦使曉然於大義所在於是內外雍睦無間
言才有子五形有子一析爨時形舉屋數間讓兄曰兄子多不可
飛居後均以壽終形子清澄入庠

何朝學黃峰場人家貧兄弟三伯季早亡遺諸姪均幼弱力耕以
養為完婚嫁年四十室亡無子願以鰥老曰姪不猶子乎嫂強之
再娶生一子二女飲食衣服一與諸姪同及析產無一錢私田宅
惟擇薄惡者諸姪相繼沒又為經紀家事俾孀孤各得其所年八

十五卒

葉文建太平場人家貧甚甫四歲父母相繼歿戚黨宋正順無子憫之撫為子及長以忠勤著為營商業約二十年比宋有子移居夾江原籍乃自請歸宗宋與財產卻不受曰恨莫報啻養思違敢他望宋翁媪歿後過其子親睦如手足至老往來不絕同母兄弟四人其三兄游蕩因事被逮文建奔走營救得免繼出貲助經商卒致富長次兩兄養葬俱賴之生平誠樸好義人負其債約千金勿責償與人交無急聲處邑鄉里稱為長者揚國攀萬勝場人世業農六世同居兄弟五人舉家九十八口皆力耕為養治家有法內外長幼誦誦一庭衣食同安撲惡無異議

眉山縣志

卷十一 人物志二 列士 四十六

漢文石印社代印

居鄉亦公正可風光緒間州牧但祖蔭以雍睦二字旌其門兄弟各賜衣一襲遠近欽慕孫協和補諸生劉榮應白馬鄉人清藍李之亂舉家流離榮應侍父避難卬蒲間朝夕在左右兄榮歿死鹽源攜姪親往負骸骨歸葬間弟榮祥在屏山不憚跋涉至其地覓歸同居親愛之情至老彌篤李楷典庠生多悅鄉人篤於友愛兄及弟早歿遺孤俱幼楷典篤愛過於所生舌耕以養後積產漸裕絲毫不自有教兄子縉光與子縉輝皆入庠何懷瑛多悅鎮人事繼母以孝聞曾為母吮癰父早故撫弟妹成立在官習吏事多隱德與地析產悉以膏腴畀之鄉中有義舉率

捐金不吝次子德光廩生服習宋儒理學檢身常若不及疾惡甚
嚴子孫有犯者不為曲恕光臨政自書遺囑云人之有生死數與無過衣人亡猶存性禮甯檢勿奢經喪雖一慎凡事酌其宜足非有公論思之復思之心口無相問我家世讀書積理守公分是我好免孫必能遠祖訓世道今變更變弗失其正汝輩各謀生聽天以安命

王佐字敏齋金華場人其父業醫貧者輒給以藥不計直于場獨興義學及諸公益事鄉里稱善敏齋幼慧事親有孝名早歲入庠以銳習舉子業致病居里投杖循序善誘約宋維嚴繼設帳羅庵二十餘年從學者日衆至齋舍不能容歲有修建庵中竹樹叢茂皆賴培植至今為縣慈善局一大助及門多知名士雖老猶述其口訓不敢或有違行姊孀居貧苦分館粟為養教甥成名生平不

眉山縣志

卷十一人物志二

列士 四十七

漢文石印社代印

言勢利州牧毛隆恩甚重之而素履如故子汝霖汝鏗入庠

文明道庠生思濂人家貧舌耕養親定省無愆館地距家二十里帝夜分籠燭歸省兄弟均貧困賴以給養終身不問季弟外出死石豆坡傍晚間耗冒雨奔赴隻身露守達旦其教人尤以立身治事之學為重

王希晉廩生韓家場人有文譽路遠不羈溥有祖田全讓於弟出游學積得百餘金寄歸與弟曰吾萍泊四方寄此幾幾者以為養親助勿重吾罪也師死無以殮亦寄金葬之值歲臘寫甚或餽之錢適友人踵門告匱即盡數持贈除日門生某犖錢米為卒歲資有環訴者又酌分與妻孥交詒不為意晚歲研精心理益不以貧

為憂

萬啟珍五皇場人為友愛家貧親沒弟姪俱幼弱盡心養教為婚配置產不自私一門聚處有和順風

鄧廷光庠生城內府街人親沒遺庶母弟二俱幼引與同居養教俾成立姑守貞不字奉之如母為請旌教授鄉里循循不倦士爭出其門子國霖歲貢有文譽國權庠生

楊炳堂字嘉英太平場人以孝弟世其家龔吉孚為作墓志銘其略曰嘉英決歲而孤稍長即善孤母志讀書聞師講論孝弟終日忘倦年十二學為吏既見祖父已大耄家負負重累千金仲兄故大兄息樸乃獨任艱鉅改營商業奉重慈甘旨罔或缺清償宿債

眉山縣志

卷十一人物志二

列士四十八

漢文石印社代印

董田廿畝有奇大兄三子四女婚嫁視如己出娶杜氏蚤歿繼娶徐氏克同厥德舊東謝某請赴滇省昭通業典商三歲例一歸所有悉畀大兄無少私亦無德色兄子等因念艱難令營貿輒虧負不得已析產以冀其後既而復合如初友愛之情至老彌篤生平好施與喜與士類交尊師重道光緒間鄉里以孝義請旌年七十有九卒子二長樹蕃當拳匪犯眉治團以軍功獎五品藍翎次衛

風歲貢

張天泰城內西街人性嚴肅好施與年二十七妻亡遺子二誓不再娶州牧尹壽衡以義夫請旌年九十二州牧許時中舉耆老年九十五卒次子萬庭經商置田二百餘畝能得父歡與兄雪峰折

產無一錢私凡故教兄子與人又能盡力於地方各公益事
高步魁萬勝場人同治間家種蠶夜屬弟守維持械宿樹下誤傷
盜命逮案步魁憫弟未受室處遣難回具狀自首願以身代獄成
徒安岳三年生還兄弟友愛如初

徐光松廩生王場人性誠篤家夙貧以舌耕養親布衣蔬食晏如
也異母兄光海不事家人生虛家益落光松為變產償債無怨言
人或訾之曰重財產輕骨肉義不為也年三十二卒

黃益增生思濠場人兄弟五人其三弟繼叔嗣子女十餘人父憂
其貧不能瞻益承父意與諸兄弟議割公田二十餘畝為之助居
恆文行交修恥與人競宣統初舉孝廉方王不應晚尤急於公義

眉山縣志

卷十一 人物志二

列士

四十九

漢文石印社代印

果有忿爭得一言而解

劉汝藩邑處士篤孝友母沒父不再娶溫清定省木嘗一日離夜
分候寢始退宿積三十年罔懈兄弟故一門孤寡幼弱躬督家
事悉服其平及折產負債千餘金皆自任不以累諸孤坐是赤貧
蒙師張靄堂病篤家無人藩昕夕侍湯藥滌穢汚迄兩月無倦容
後客渝返同舟劉某病疫人弗敢近藩力為調理得痊因染疫毒
卒於瀘州妻艾氏教養四子成立長子元杰舉明經
吳國成大定橋人母早沒能孝事繼母以悅父心力耕起家成豐
未有司立小里戶首名色責鄉民抬墊丁糧胥役就中漁利弊實
叢生國成適充戶首悉其弊直代負隄完納并燬抬墊印據不責

債鄉里感之壽百歲無疾終

羅開科國振子嗣晚伯國順國順早卒事其母至孝開科幼從祖父汝乾學汝乾病開科勤侍湯藥數月不怠
蕭上在思濠鎮人讀書敦孝友事尤惟謹析產時以狀田讓兄自取曉濟家以日窘終其身無怨言

割股附錄

夏鳳川性純孝父病日久益劇割股療之目以愈後父疾復危又割肝以進州守趙獎給匾額曰孝行克敦母汝廬墓三載
范永盛性至孝繼母黃氏病三載日夜扶持不稍倦因割股和藥病痊有誌之者范猶隱不言其繼母七十餘每為人道其事

眉山縣志

卷十一 人物志二

列五

五十

漢文石印社代印

劉文信父伊亮病且革文信割股以進得痊嘉慶乙丑間母張氏疾又割股療之亦愈人以為誠孝所致

閔繼孔事親以孝聞父卒廬墓三年囚首蔬食母疾割股療之愈
余朝取幼失學躬耕孝養母病沐浴齋戒十餘日割股療之愈
張萬壽母陳氏痊三年不痊割股療之愈鄉里稱孝

黃 琮性純孝年二十五父病篤割股療之身愈

王 美為人性孝友其母舒氏病癱歷久不愈美號泣呼天割股療之

蘇鳳軒父病久不愈割股和藥以進病尋愈復齋戒三年為父母祈壽

張正良事親孝其母鄭氏病篤割股療之尋愈

沈珈良庠生思濛場人篤孝友母汪氏病危割左臂肉作羹以進
病愈後歷秋闈試母復病父毓江因試事未畢不使知及歸母歿
痛不欲生殯葬後猶日飲泣夢寐必聞呼母聲至老未已弟玖良
有酒癖時觸父怒責跪中庭珈良率與同跪得免是始異言婉諭
弟卒感悟

彭金麟歲貢父應達病劇割左股療之愈

何國建祖母陳氏年七十八病篤割股和藥療之尋愈

何譜榮母羅氏年逾六旬病將不起焚香祝天割股療之尋愈上

九塔遺稿

眉山縣志

卷十一人物志二

列士五十一

漢文石印社代印

王朝卿國學生母曾氏病瘵醫藥罔效禱於庭割股療之愈其人
方正廉潔為鄉里所重

張玉堂太平場人母時氏病禱於神割左股肉調羹以進病愈子
福壽亦以孝名其母張氏病禱於灶減算益母越五年母再病亦
割股療之

黃世倫母劉氏病臥累月侍奉湯藥釐濯穢污無怠容及病篤割
股和藥療之愈

金麗光金花場處士母楊氏患腹脹不已虔禱減算益母割股和
藥以進病頓瘳

周星仲因繼母不得於父父病弱剖胸肉療治得父歡與其母和

好如初

邵金攀東館人家貧為人傭母王氏腹痛幾絕割股療之愈

黃庭哲母病危割股和藥以進尋愈
魏文山金花場人母病割左股療之父病復割右股和藥皆獲愈
萬化松觀盛場人母病思肉家貧不能得沐浴焚香割股肉以進
病愈

葛德盛金花場人母宋氏病危割股和藥進旋愈

王永桃太和場人事祖母割股愈病

劉煥如冷場人祖母甘氏久病不愈割左股肉作羹以進病愈

馮耀東家貧母病彌留治療無力割股作羹以進為稍間踰數日

眉山縣志

卷十一人物志二

列七

五十二

漢文石印社代印

辛

王世光麻柳場鹽井溝人母陳氏病劇割臂療之立愈

劉天華舌耕奉母母病數年醫藥無效割股療之後其孫體善亦
割股治其父

按割股之事宋以後始見於史亦間有旌者明洪武中山東日照氏汪伯兒母疾割臂肉以療不愈禱岳獄神願殺子為祀果
瘡竟救其三歲兒事聞太祖大怒速治滅倫罪杖之百遣戍海
南下禮官議畧云人子事親居則致其敬養則致其樂有疾醫
藥願壽人之情也至卧冰割股上古未聞倘父母只有一子因
此喪生絕嗣反為不孝乃愚昧之徒詭異駭俗割股不已至於

割肝割肝不已至於殺子違道傷生莫此爲甚以後不准旌表
清會典亦列不予旌附載編中憫其愚孝實不可爲訓也

王帝臣多悅鄉人在熙間歲貢舉行并茂守施與凡地方義舉均
首列其名教授鄉里及門多知名士著有學庸集採善錄年及髦
自營生壙立亭墓前作記屬後令奉祀祖考而以己祖祔記曰予
卜地於深山之中或謂其無所依余曰天能覆我則依之地能載
我則依之日月照臨乎我則依之維山與水長爲呵護則依之誰
謂其無所依哉曰體魄瘞乎土中固得天地日月山水以爲之依
矣而於魂氣則無所不之將於何依乎若依巖谷則無情依花木
則無知依於左右鄰人則素未深識欲還依故鄉則道遠難至君

眉山縣志

卷十一 人物志二

列士

五十三

漢文石印社代印

將何依乎余聆其言又未嘗不私心自計曰余苟得一室廬而依
之庶可以爲棲靈之所乎幸有兒孫在窺余之情順余之志鳩工
庀材築亭於斯且將延我祖宗及我父母共處於斯斯則余之幸
也夫余於歸盡之日甫痛子孫之難見又獲祖父母之重逢想其
時余與先人不啻聚首一堂相依而不離者行於斯止於斯坐卧
恆於斯有時登高遠眺望墳廬而歎歎有時臨溪寄志嘆逝水之
難返雖多可悲之情而有至性之樂矣魂兮魂兮庶得所依歟
張士達號德三多悅鄉人幼穎悟家貧棄儒學賈貿名山有陳迪
安者見而異之謂非商賈中人也教之讀并助膏火費日夕勤奮
得入庠適蘆李亂奉親逃避流離轉徙猶手不釋卷事平食餼上

庠學使張文襄奏設尊經書院獲首選肄業孟枕肱經史所為文類能闡於經義力矯詭隨恢異陋習屢秋薦不售教授鄉里多所造就生平廉介剛直尤為士林推重子光漢歲貢生精醫學王鎮典治北新橋人入丹稜學籍同治丁卯科舉於鄉工制執晚歲主講眉山書院礪學崇品為時典型初應春闈北上有丹稜舉人羅錫申同寓羅病親調湯藥卒無以無殮附身之具傾囊備之躬為輿攬歸里獲葬先塋時則裘敝金盡惟恃沿途募助輟轉數千里屑敝足繭艱苦備常鄉人至今壯其義比之乾嘉間王中枚云

申文芳歲貢青衣鄉人入青神學籍家貧甚十三歲始就學從師

眉山志

卷十一 人物志

列士

五十四

漢文石印社代印

杜映南車綸宣兩先生奇其慧脩脯不計並給養之不十年補上庠以績學為士類所歸游其門者日衆兩師老而乏養乃分館衆為奉沒後教養兩家子孫十餘年不怠映南孫元培由庠入幕歷官雲南知州綸宣子登榮孫文南相繼入庠皆文芳之教也長子有權為名諸生克承家訓

劉特用庠生入丹稜學籍讀書好古砥礪實行以不得志於時思立言訓俗著有廣仁集點邪錄川志撮要坤維鎮錄歲時雜事鑑亭隨筆春園管見等書見劉氏族譜

高安雲字燮齋歲貢思濛人學行并茂晚歲授徒門牆嚴峻所作詩古文為時傳誦

遊峨眉山清音閣有感清晨躋古寺言憩雙飛橋未至橋三里
已聞聲怒號疑是黃帝蚩尤酣戰後至今猶聞鼓聲塵又疑子
胥鷓夷沉江底怒氣趨作錢塘潮誰知乃是峨眉頂上雪偶逢
盛暑忽然消奔流而下不可遏幾撼橋身立不牢我從橋上來
有客將我招笑攜酒一壺坐視水兩條其來形極猛其去勢更
豪况復十丈相懸絕奔流而下力益驕大如清廟撞鐘鼓小如
虞廷奏簫韶怒如將軍將石裂喜如美女援琴調如歌如泣如
咆哮如箏如筑如笙匏我有相如渴未消醉來竟思飲一瓢使
我胸中塊塼塵芥一齊銷安得結廬山之腰無令無古無暮朝
坐聽萬古聲滔滔不然刺我兩鬢橈乘風一夜登金焦縱看長

眉山縣志

卷十一人物志二

烈士

五十五

漢文石印社代印

江大海之波濤 苦寒行男兒有生志四方手提軍旅闢八荒
勅石燕然銘勳烈凌烟閣上尚輝煌否則蕭然不得志浩然辭
故鄉西登崑崙探星宿東窺滄海攀扶桑南走吳越北燕趙眼
窮山水收奇光然後落筆發為光怪陸離作直使千秋萬歲噴
噴稱文章雖死不足畏何況雪與霜縱使一朝委化填溝壑亦
不失為真古狂茲胡為兮縮如蝟窮年寂寂守荒莊上不能與
稷契夔龍參贊化下不能與李杜韓蘇相頡頏徒然苦受毛錐
束蓋甕文字堆盈床春來哭阿咸痛絕推肝腸秋末苦淹雨閨
寂多感傷昨忽朔風撼四壁肌膚起粟手足僵既無廣廈庇寒
士又無長裘覆洛陽似此曷不急投筆去作封侯夢一場君不

見北方健兒意氣揚
衣荷戈赴西河關
山迢遞雪沒
那顧凍死卧道傍
事山容開似
睡天氣暖如春
果熟紅堆錦
松高翠壓鄰
殘書多束架
破硯懶揩塵
天地容疎放
頭銜署逸民
醒眼觀時熟
升沉總不驚
骨嶙梅共瘦
心喜月同清
世路雖多險
予懷却轉平
何須爭得失
身外是浮名

彭金麟恩貢嫻婁嶺人家
貧嗜學雖耕牧猶挾書
自隨髫歲入泮文名丕著
某科峨眉知縣呂龍光
直廉首薦金麟試藝擬元
主司稍降抑之力爭不獲
選持卷去試畢歸經眉枉
道過訪深為扼腕為人方
正循循善誘及門多成就

偶成我昔在山中
便為山中人
山中何所有
松泉雜楓榛
我今

眉山縣志

卷十一 人物志二

列士

五十六

漢文石印社代印

來田原便覺田原好
繞屋多籠竹
平疇盈縞草
我自得我心
景物縈懷抱
不為田原多
不為山中少
偷得此身閒
一物不堪寶
人生如朝露
行樂苦不早
况我逾六旬
自顧已衰老
焉能事拘束
蕭索如稿木
猥以聞散人
浪學賈生哭
但無衣食憂
此生心已足
感嘆外寇如
風寒百姓如
元氣元氣若不傷
風寒從何至
庸醫不知醫
苦把風寒治
攻擊兼表散
竟體成漏卮
元氣日以虧
風寒日益滋
內外均受病
慚慚看垂危
安得調元手
按脈細分割
先將元氣調
再逐風寒走
內實外不搖
掃邪如運帚
不然將不及
枵腹難持久
且防疫痢作
我身非我有
當事如不聞
愁煞空山叟

龔吉孚字止軒一字揖葵五聖場人績學不過年六十卒其友夏光普為文以誌其墓略曰君幼穎悟過人九歲能詩登象耳寺山云直上碧雲表身在九霄中目空天下小又登望江樓有神童之譽稍長益肆力於學然家世貧苦尊甫素力農每責令休業君志氣堅定不為易入庠後於讀書暇猶力任耕耘胼胝事家中無他冊籍舊藏康熙字典一書繙閱數周識奇字強記不遺遊以淹博稱鄉里文士亦稍稍與遊輒從友借書抄閱上自經史百家罔不洞澈源流深明義理於六書音韻之學尤稱精審嘗擬造拼音字母謂字統於音人苟明其音即望而知其字取極簡易之法昭示事物與歐洲文字大意相同而較捷便至其執筆為文憂憂獨造

眉山縣志

卷十一人物志二

烈士五十七

漢文石印社代印

萃實並茂躋於古作者之林歷任學使重其人補上庠調尊經肄業十載聲名藉甚秋闈七薦不獲售設帳授徒出其門者多知名士平居事親孝待諸弟以和律已嚴正無事未嘗一蹠公門鎮默寡言笑接友藹然如春然遇有困急寬抑事殷然代人昭雪解紛排難有任俠風民國九年聘任中校國文科甫一期遽費志以沒悲哉夫以君之學行天既萃川嶽之靈而生之則當木天清祕翩然翱翔珥筆作詔命修信史為摘華拔藻之儒胡乃窮愁抑塞竟以巖穴老其才蒼蒼者豈果難測耶徒令抱璞懷瑾之士謂學力才智如某猶且局促如駘駒蕭然黃土則環顧身世勢勢泯泯不免生厭世之思天下事顧尚可為哉然則君之或伸或屈其所關

亦甚大矣雖然閱極則達壅極則通君既抱所蘊而不克展安知
落瑰璋之奇不待君之嗣而一洩之也尊翁諱榮德母丁氏兄
弟四人君居長晚歲生子文希尚在襁褓聞啼聲知為英物意者
其君之靈秀所聚乎普與君交莫逆受益難俚指不敢汨其真也
故臨墓誌之

歸省書事百韻光緒歲丙戌讀書郡北郵

李應乾別業去城二十餘里

去家

七十里骨肉嗟棄遺送別雪飛日

二月初旬雨雪數寸

言歸花落時春風

憐林息遊子悽以悲惆悵庭幃隔承歡道久虧行行遶山曲望

望長河湄中途逢故人

同里黃香亭赴城

為余前致詞近者老父病傳

聞已瀕危

父三月旬病

拱手謝故人回頭亟疾馳坐息達窮巷西山

眉山縣志

卷十一 人物志二

列士 五十八

漢文石印社代印

白日頽入門失聲哭舉室淚交頤問父病何若扶床頻唸呶眼
昏不相識微語客伊誰老母為分割若來乃大兒父聞忽長叫
暈絕如僵尸連呼不肯應鼻息惟一絲良久始能語翻身強自
支父曰嗟汝來吾言汝聽之汝雖為吾子行道相等夷歲十有
二月會面幾何期汝歸去偏早汝去歸則遲定省事虛杳年年
爾遠羈汝豈不我念我豈不汝思念亦有何益思亦徒爾為貧
窮累人甚迫我父子離一旦嬰疾病至親且未知撫今倍感昔
往事猶可追憶汝方齟齬頗稱聰慧姿買書試教汝夜半聲唔
咿發夜自教家君每讀甲子汝入塾兩年從杜師杜愛棠師琅琅善記
誦未受鞭與笞八歲工作對足年從時九齡解詠詩從李中十

三學為文就傅率氏祠從黃峴是年隔家遠相里十薪米吾親

貽十四至十六依劉與追隨履劉高學金暨日用所費尤

不貲我家素艱窘况又經汝廢乃命汝訓蒙時年十七聊為

餬口資十八汝游泮學憲張兩載學於眉拜業眉山書院一年

王伯常師二十處夏橋橋距城十八授徒再閱期廿二汝遷館始得

親宗葬館家廿三赴錦城拜業錦江書院送汝泣路歧廿五寄

王場館何有慰汝傾酒卮流光不暫駐寒暑倏屢移今汝食天

廩甲申列第一補上庠有家仍速辭此恨吾無極汝也詐蚩蚩

我生服先疇手足交胼胝冀汝早騰達庶幾光門捐胡為桑榆

短暮齒猶啼飢汝弟有三人二人事耘耔一人尚冲幼顧盼增

眉山縣志 卷十一 人物志二 列士 五十九 英文石印社代印

妻其向平願未了華髮傷已衰汝母習勤苦年來新尪羸家母

病猶然理家政不惜精力疲蘭桂互爭茂椿萱俱就萎鷄豚未

速存沒後牛空椎汝子與汝姪頭角森巖巖堂構早弗肯有後

將棄基生兒雖不齊望兒情可推疇則勤拊畜不願答恩慈東

家亦有男力農聚於菑朝作暮還息婦子常嬉嬉西家亦有男

業圃編厥籬秋松春有韭兄弟皆怡怡汝乃食破硯謀生一毛

錐今年守絳帳明年坐皋比誓欲捧毛檄聊爾下董帷功名事

未遂徒惹旁人嗤有如不舞鶴又如不遊驢踏踏悲命蹇泣詠

梁鴻噫父也精力耗母兮面目黧飢無花猪肉寒乏羔羊皮轉

瞬將就木燭殘畏風吹誠恐有不諱抱恨將無涯昊天不我弔

遠和災病罹浹旬卧短榻奄奄將殆而病中常念汝見汝却復
疑我病汝心碎汝歸我淚垂相逢若大夢使我長嗟咨哀哀生
汝幼汝難報毫釐嗚呼父語畢語語酸心脾有親不侍養豺狼
比亦宜壯歲傷飄泊深慚烏烏私舌耕供食指貧士數何奇吾
父夙頗健一病竟如斯况乃多愁母風寒易透肌恨未早歸來
為父延良醫百身罪莫贖泣下空漣而既逝我弟妹床頭進饘
醅更輸彼妯娌竈下炊糜序讀書忘大本中心戚愈滋負此不
孝名會令萬世警焚香夜將半長跪禱神祇願減蕩子算使親
歲月彌區區一寸忱呼籲通高卑皇天與后土尚其鑒於茲已
矣謝雄飛巖棲同伏雌雖非移祿養猶或舞斑嬉普告為子者

眉山縣志

卷十一人物志二

列士

六十

漢文石印社代印

慎勿效我癡天倫有真樂遠志應早隳 憫貧兒歌我出成都
城濠邊無數貧兒遮馬前蓬頭垢面狀如鬼簇擁號叫聲震天
或言無食餓欲死或言無衣寒可憐口稱善人手作揖男女紛
紛爭要錢幾人痞啞泣欲語幾人蹒跚行欲顛幾人盲瞽跪路
側叩頭流血膏無全旁有一白更狼藉據地匍匐身拘攣惡瘡
遍體蛆涕湧皮肉潰爛膿腥羶奇形怪貌不一狀攜籃曳杖相
牽連嗟爾貧兒凍餒劇屍骨愁將溝壑填我無崇愷富我無官
守權安能拯救出水火俾爾貧兒老幼廢疾胥安便 古劍行
延平一去無消息寶劍多年求不得神物未肯終埋藏光氣夜
冲南斗直眉陽豪客今風胡叱起雙龍出泥塗三尺熒熒閃寒

欲奸雄膽裂愁剪除大阿入子鋒欣試起舞中宵怒斫地剝蝕
猶能虎氣騰摩挲豈但魚腸利錐來俠客徒紛紛劍術未售身
先焚挂墓季子亦已矣倚柱荆卿何足云我今得劍如得友拂
拭忽然膽如斗攜君跨馬出關去願向疆場掃羣醜吁嗟乎願
向疆場掃羣醜丈夫豈肯為穉守石不見匣中冰條寒逼人躍
躍欲試常嗚吼

鄭雲瑞字雲樓歲貢太平場人少以博雅名督學譚鍾駿考調尊
經詞賦選入蜀秀集生平以書自娛妙言語聲如金石樂與遊
及老貧不自給或寄居蕭寺連日不舉火仍手不釋卷歌嘯晏如
知者餉之亦不却

眉山縣志

卷十一 人物志二

列士

六十一

漢文石印社代印

桃花源四時詞送出東方水面花仙源有意漏紅霞詩書定未
遭秦火可許鄰添問字家 不負官租不市塵稻花香裏自年
年此中丹訣何人識卧枕羲皇起力田 山光明淨水無塵獲
稻家家鼓腹人自笑未完兒女債秋深釀酒結朱陳 山中俗
客偶來遊雪裡寒梅笑不休村外若栽疏影樹應無花片引漁
舟 詠史四首樂昌公主鏡天上明月缺復圓人間夫婦分聚
亦同然國亡家破復何有平分鸞鏡各在手流離倏或易春秋
鏡圓重合鴛鴦偶君不見婦棄其夫別上絃鏡化為鶻墜夫前
李長吉錦囊長吉風流世無二錦心繡口天所萃春日鶯花
秋月蟬四時游詠都堪記碧水丹山興不孤錦囊佳句付奚奴

王樓賦就人何處此稿人間覓得無
彌正平鼓北海上書丞
相喜羅致人才誠若此一朝發覆丞相嗔奸雄豈能真下士階
下淵淵金石聲漢臣白眼笑公卿漁陽三疊共稱奇丞相不如
鼓有皮 倉海君推為子報仇臣雪恥天經地義本如此况復
先人五世曾相韓此情此理烏容已破家覓得倉海君博浪沙
中殺氣曛一推奪得祖龍魄讀書快意當浮三大白

徐裕德字香泉廣濟場月溪寺人丹稜學籍廩生清貧忘情得失
放浪山水間每借吟詠規世

眉陽歌頌明耀光眉陽眉陽賊如雲幸哉賴有明將軍賊初來自青
衣縣危急存亡頃刻見將軍天上忽飛來心不驚疑色不變將

眉山縣志

卷十一人物志二

烈士

六十二

璞文石印社代印

軍有城不在兵從役不過數十名將軍有勇不在力胸有甲兵
人不識將軍有功不在戰聲施奪人先火箭火箭紛飛如雨灑
誰謂賊衆能敵寡初次點鎗鎗不鳴二次攻城城不下登陴一
望賊何處豕突狼奔皆逃去逃去尚屯葦頤山將軍賊退兵始
還滿城赤子托懷抱實由將軍恩再造不然當時城燒燬腥血
染污岷江水冤魂號冤聲啾啾死者勿愁生勿喜願得黃金萬
兩鑄君身以愧世之不忠不烈臣如此將軍今幾人吁嗟乎如
此將軍今幾人 嗟眉陽辭至冬三月李逆圓吁嗟乎眉山之陽
劍如林岷江之水血風腥日見民如驚禽駭獸而逃竄賊如飄
風驟雨而轟騰旌旗閃爍如飛電砲火響答如雷霆而况妖氛

如獵火所至成空村存亡皆氣喪貧富盡聲吞有家家何在有
稻稻何存草木含其愁山川為之昏夫何皇天之不救惟願將
官之策勲一日兩日而不見夫豈三月五月而不聞吁嗟乎歲
歲輸將不惜身賊之來已越秋春虎符是佩彼何人 清明祭
父墓還示子姪親恩未報終黃土歿後推牛究何補弟兄四人
兩人在翹首墓門淚如雨昔年清明隴上行父曾率兒掃祖塋
今年清明父何處兒又率兒掃父墓兒心哀人生修短
實難猜大父八十猶康健我父音容安在哉兒今壯懷雖矯矯
伯氏邇來厭煩擾老母七十髮如霜膝下諸兒正年少年少識
字苦不多又不率教將如何耕者不耕讀不讀憂來每日臨風

眉山縣志

卷十一人物志二

列士

六十三

漢文石印社代印

哦噫嘻乎諸兒悔悟知何日課子訓孫完我事惟願把酒看花
歌太平錦衣拜舞酬父志 迴文詩溪居泠泠翠竹種灘沙遠
浪連天散綺霞青疊萬山雲發墨碧搖雙槳雨飛花亭邊柳拂
春帆曉艇外荷香晚棹斜汀樹綠陰清陰美玲瓏影透水窗紗
徐人驥貢生張家玖人篤於孝友恥與時競舌耕三十餘年教規
嚴謹晚歲尤和藹近人里居於 義息爭外無所事日惟飲酒賦
詩嘗自署門聯云我不矜奇業經服古有年面孔敢同齊一變老
惟好靜幸喜做官無福頭銜猶是魯諸生年七十三卒
和友招賞牡丹十絕錄六首羣芳冠冕起重樓春恨全消豔欲
流富貴一生何足計分明天子是無愁 花開姊妹釀和風笑

博讓障喜氣融桂子聯芳花競秀一堂重慶壽如嵩 司空見
慣不為奇淡白深黃匪所思難得東君開別面年年隨意點胭脂
脂 自把無雙豔乞回三春雨露費滋培羣仙解得花神意當
壽東皇酒一杯 騷壇旗鼓正堂堂臨陣難鏖戰一場只恐罰
依金谷酒防風後至惱花王 右臂因風患不仁作書無力筆
難勝一般瘡愈知何日幸有新詩寄少陵 感時天府稱雄作
障西芙蓉花色亂前溪燔戶赤燄驚節節氏國六年省城遇
羅戴之變兩次火到
眼蒼波沒夏畦六月一日數驚心似鹿三旬九食命如雞
未價
鐵學流亡圖救知誰寄要使旁觀帶淚題 長圍七日困吾眉
載道
七月十四日岌岌幾成壘卵危羽檄忙奔隨電逐北城酣戰倚
滇軍至眉

眉山縣志

卷十一人物志二 列士 六十四

漢文石印社代印

矛炊老謀早托暮頭頂死隊甘為馬革尸不是國門懸重賞難
憑燭武退秦師

劉繼昌諸生松江口人家貧舌耕自給言笑不苟取與一介必自
慎嗜書力不能購從友借抄剋日還無污損人樂與之所抄經史
各數十卷間以意正其疑誤字跡端楷至老猶勤雖蔬粥不繼若
忘之也

夏玉瑚字次珊太和場人青神縣令王樹枏為作墓志特著其捕
盜一節以奇概其略云方次珊之劫於盜也眾皆匡惴莫敢櫻次
珊獨率其僕十餘人踵賊舟滅火消聲追二十里潛使數人登岸
出其不意喧呼恫疑盜驚遁盡獲所散失財物嗚呼使長民者能弭

盜則盜不至猶狂恣睢而無所忌有若今日之甚者使人人如次
珊之勇於捕盜則由一家以推之一鄉由一鄉以推之一邑此國
家保甲之善政而尤今世所懷懷焉以規之者也又云次珊為諸
生有經世之志光緒十三年一署華陽訓導即歸不復出教學于
其家喜購書籍雖耗多貲不顧令其子光普能為中外輿圖之學
皆次珊所牖示也

夏光普字量敷治北尖山子人體貌魁梧饒膽略幼習技擊之術
承先世儒業勤劬典籍輒喜讀兵家言能周知天下郡國利病歷
代山川形勢既塞弱冠補諸生講學論道皆一時勝流光緒中國
家幸無事朝野上下文冊武嬉獨抵掌談時務謂中國積弱非變

眉山縣志

卷十一 人物志二

烈士

六十五

漢文石印社代印

法幾強嘗手製中外輿圖數十帖復從湖南杜俞受兵學從新城
王樹枏學詩古文辭不專事舉子業居家事親課徒及門觀感興
起多文行并茂之士甲辰乙巳間朝廷詔遣郡縣碩彥赴日本學
師範光普慨然請行畢業弘文學校纂輯講錄開示涂轍歸國後
聘任州中高等小學而中校亦賡續成立其延訂教師購置圖書
儀器彭山周比部翔實主其議光普經始贊畫與有力焉宣統末
舉為省中諮議局議員國計民生類有建白辛亥鼎革民國紀元
蜀中騷然不靖上南一道尤甚以參贊職務馳慰眉青嘉叙間戢
暴安良多方補救晚年恐圖新者失變法初意於道德倫紀尤津
津言之謂為國本所寄民國八年聘任修志局總裁搜羅典故期

以挽人心風教惜未親成編在中學校長職卒所著詩古文若干卷皆雄健可傳藏於家

劉開醅張家坎人以商業起家藍李亂時捐修南城礮臺費千金又於青眉孔道建濟美橋鄰有孀婦某貧不能贍捐金接濟全其節

揚元第字雲菴城內人其行誼見王樹楠所作墓誌略云雲菴善為人爬梳曲直人亦以其公直長者多就決之得其一言因以不爭其有深怨大嫌往往出財帛為解和必使之息爭而後已眉守毛君季彤深重其人公事多與之商詢而後施而雲菴顧恂恂孫辟無事未嘗一蹠公門望望然若牽而挽之及其以事至又未嘗

眉山縣志

卷十一人物志二

列士

六十六

漢文石印社代印

籍官府一言以市其私先是藍逆困眉城雲菴捐金四百購戰守具為州人倡城賴以完又出穀數百石集城鄉之流散者子孫輩能承其家有聞於時

黃中有修文場人以農業起家好施與里中待之舉火者常數十家歲貢徐光烈增生劉傑初家貧中有愛其好學時助膏火子鳳翥歲貢有文譽所作多傳誦一時居平砥礪操行夏不扇冬不裘語言不怒設帳數十年得士稱盛

郭欽俸字祿田太平場人父培英康熙間由江西吉安府太和縣遷眉貿布為業好禮士遇人有急輒施予子二長肇修早廢學從賈次肇武入庠授徒設館於鄉某歲武應秋試修為代適有黃某

客遊至其地老且病踵館求振欽俸命修厚遇之累月不倦病愈黃感甚日為講解讀書法勸修從學時修年二十七矣始從事發憤以高材生調入尊經書院舉明經蜚聲執林著作宏富俗有老泉之譽欽俸生平不妄交既訂交白首如新中年賀遷居樂山牛華谿距眉百餘里歲必躬親省墓七旬後始遣子代行年將九十猶及見長孫述舉舉副貢

李化楠文生城北人父含陽早故母唐氏夙以忠厚為教化楠遵訓施濟不居其名族隣有不能婚娶喪葬者輒周之值滇逆竄眉捐金千餘助軍餉又於養濟院捐田十畝州牧余隆廷旌其閭光緒中子若莖登進士第

眉山縣志

卷十一人物志二

列士

六十七

漢文石印社代印

李若莖字應乾幼謹厚寡言故又字訥然祖母唐氏獨鍾愛之長就學業一時髦俊咸樂與交遊薰陶經籍者十餘年目不他及於物無所忤有時被人欺侵明知之怡然弗較癸巳恩科領鄉薦乙未成進士以主事用籤分刑部河南司行走時當中東戰後馬關定約失地喪權京師士大夫莫不憤激流涕痛恨於文恬武嬉之誤國乃日與同鄉周紫庭胡雨嵐輩講求時務戊戌政變目睹劉光第楊銳等橫遭屈戮國是日非憂憤成疾決計請假歸庚子之變聞德宗侍太后西幸潛潛淚下嘆恨久之庵堞彌留遂不起無子以姪玉鑫嗣

石壁城內庠生藍李之亂襄辦團防軍餉稱得力賊平保分縣修

城垣聖廟皆有勞績

李燧字耀堂庠生治東人急公尚任俠光緒初戶房糧秤每遇納稅輒於砵碼外加一銅塊名戩頭鄉民撲訥年被侵蝕痛苦無所告燧憤甚破產走五千里叩閭觸上官忌誣以斂錢褫衿繫獄十二年幾論死臬司黃雲鵠甫蒞任訊及之憫其以公義受冤贈以九言長歌釋歸年矣家有九十四齡母王氏晨夕膜拜願得重見子子年七十有二病欲死母叩冥君冥君色然喜為言上帝已饒某君作司理爾子不日歸家重事爾俾爾壽及百齡樂未已嗟乎李燧李燧胡為壽僅八十止偶然執法僭克天子吏作威不敢作福此吾親爾得重向慈悼進甘旨非我所為乃是神所使我言及此涕淚難自已爾對爾親勿悲但歡喜悅親壽親之道無過此嗟乎悅親壽親之幸及終養積年漸復舊業遇善舉輒不吝又捐產建

眉山縣志

卷十一人物志二

烈士

六十八

漢文石印社代印

宗祠興學以惠族人城東漁村桃源周家馬家四渡均為創興義舟人無病液年七十餘舉一子人以為好義之報八旬無疾終何錫庚南城歲貢有文譽輕財重然諾不喜干謁戶書某承參貸以千金後憐其貧對之焚券歲杪發粟歷年不倦光緒癸卯歲大西山待賑尤急錫庚素艱步履親赴其地助有司散放奔走兩月餘竟忘其苦

趙煊號瑞廷庠生眉南嫻婁嶺人天性伉爽光緒間為歷任州牧所倚重在城任團局數十年遇事侃侃直言不詭不撓其對於公益如學費如堰規如書差章程拳匪教案等胥盡力贊助不居其名平日與子言孝與弟言悌煦煦然如老嫗親戚情話也每有

紛難多相悅以解某歲饑領倉穀數十石分貸鄉農秋歉不能償乃全數代付兄若姪不事生計屢竊賣鄉倉積穀為貽累費數千金雖窘不怨尊禮寒畯有求必應為人勇於改過弱冠前頓跡地不羈後乃折節讀書操守逾恒常書謹守人皮四字置座右晚年窮居日率家人耕作蓬華粗糲晏如也年七十三卒

李尚德張家坎人一日憩茶店子拾金三百餘坐待遺金者至還之子乾齋行已待人亦古道可風

郭賓俊州人初以販油治生不數年家日裕於韓市購宅數十間費約千金因起家孤寒畏人陵藉立契託名中表某所置某陽諾之陰肆欺詐據為己有賓俊客隱不與較舉家他徙又治田數十

眉山縣志

卷十一人物志二

列士

六十九

漢文石印社代印

畝一日謂同祖弟賓俊曰兄中歲無子弟又生齒繁非多產慮不給遂以其田全畀之俊初不知書晚乃涉獵典籍精卜筮讖緯能以已意推測星象造日歷年八十三卒

車文玉郭有為趙才超均太平場人素親善嘗合資治產輪司其事置簿三分各執之凡錢穀出入必相告同時記錄閱數年業漸裕各就近分管如前法久之孳息彌厚鄉里稱貸者不求重利貧戶輒減倍資以謀生者蓋常數百家由是車郭趙之名遂膾炙人口行之二十餘年增產至二千餘畝一日三人入市收五百餘金交才超攜歸是夜才超被劫誌朝車郭往唁趙趙聞德及金存堂中稟匣迨年老始協商分夥內急趨視猶存相顧大笑其誠信相孚如此毀前簿歡宴三日而散始終無異言今閱數代三家猶迨好不絕

趙朝清道光庚子年朽木河水泛鎮江橋橋新被冲毀時以舟濟者恆被淹斃鄉人患之倡募重修石橋九洞工竣朝清感成事之艱自願將石頭堰堰田三十畝捐入為水速培修費由眾年推首事經理子璽拔貢

周酉山治北雷家嘴人好施與於灰窰小渡歲捐穀五石置船以便往來偕姪炳齋捐修土富兩場石路數里又於太和場雙江義渡置船二艘捐金四百兩購田業為經久費子六長鳳岡山西洪洞縣知縣

劉玉超盤龍鎮人咸豐間藍逆由眉竄丹稜玉超率團扞衛鄉里屢與賊抗不少怯陣亡團丁二名籌款厚卹其家鄉人益勇於趨

眉山縣志

卷十一人物志二

列士七十

漢文石印社代印

赴叔弟玉含遇賊奮鬥被害玉超欽其義代養其父母至沒齒無間晚尤樂善修三江二郎五福登瀛各橋皆倡捐義事

林啟聰麻柳場人家貧樂善以場外孔道遇雨泥濘陡滑心閱其艱農暇輒荷鋤道上鑿狹平窪陂陀處取石排疊為梯形積十餘年工成行者稱便癸卯大饑子長亨捐金三百兩助賑

何杰太平場人家貧業農居蔭頤堰下流每歲修堰必親往監視恐有疏忽夏初用水孔亟時慮或壅遏常沿溝鳴鑼上下巡視或謂有執事者何自苦如是目為顛皆不與辨持此十數年不稍懈咸服其盡心公益後舉之經理堰務凡有大工作胥惟彼是賴卒附祀韓公祠

劉光焱王家場人光緒間藝頤堰務廢弛久州牧尹壽衡委紳龍文清文堰啟舉以佐理備極勞瘁故事凡有堰田者始克與堰事時光焱無田乃盡力堰事始終不倦卒附祀韓公祠

按附祀韓公祠者前有杜維釗李友仁李正邦三名今惟於藝頤堰記見維釗事餘待考

史三長思濛場人家貧苦學恃硯田為生民國初憤師道不尊投筆從戎始入伍畀石畚土不自惜或目笑之輒自解曰天下事孰非由苦而成者堅忍數年戍川邊軍中漸知其能文拔司記室積勞至七年出任巴安縣知事緣架礮山麓鑿堰越載石洞達桃園子三十餘里引溉荒地千餘畝教以內地種稻法竟成沃壤巴民

眉山縣志

卷十一 人物志二 烈士 七十一

漢文石印社代印

號曰史公堰繼任甘孜土司墟瓦噶達所轄番民嘗以剝掠為能蒞任招撫歸化者三千餘戶

袁春恬道光間於鎮江橋捐所質沙地十六畝見橋碑

張仕祿王家場人道光間於場外建石橋一座名彰功橋

李維俊伏龍場人性樂善歲暮購寒衣濟貧施藥施棺年久不忘子萬青中咸豐戊午科武解元

唐坤舉金花場人同治八年捐修箭子灘石橋計十六洞曾孫明鏡能繼其志

杜廷澤王家場人因無嗣於距場五里許創修石橋一座名接嗣橋暮年果得子

王兆祝字籥仙庠生多悅鎮人光緒初倡修尹家河登瀛橋賣田得金四百餘盡數捐助以歲其事

趙連香太平場人光緒中興學費捐蔡家塢田地三十餘畝房屋

徐開珍歲施棺槨數百具以濟窮民晚年捐修韓賓店石橋費數百金不足又稱貸以濟

彭 彭字裴然南街人讀書重實踐不求進取光緒癸卯大饑城鄉餓殍相望自貸銀四百兩倡辦粥廠人多義之

李愛棠太和場人捐修瑞蓮堰石橋一座
趙春玉太平場人家貧甚業巧為郭姓葺屋於屋梁拾金五十兩

眉山縣志

卷十一 人物志二

列士

七十二

漢文石印社代印

悉與郭郭詢藏金者家人皆不知後春玉以巧業起家置田二百餘畝咸稱忠厚之報閱後數十年有馬福田者貫茶酒為業戴某在店遺金十兩越日招戴還之又白馬鋪李永春營棧業光緒間吳春和寓其店遺金二十兩為拾存越日給與吳

善壽彙錄

周衍瑞王家場人光緒二十九年一百有二歲請旌又四年卒

冷玉明青衣鄉人一百有五歲

張朝金治西張廟子人一百有二歲

吳之武張家坎人一百有二歲

梁金童萬勝鎮人一百有一歲

劉成治東大定橋人一百有一歲

一世王太平場木瓜溝人一百歲

楊樹林治西橫山堽人一百歲

萬光鼎增生觀盤場人九十九歲處有字友

譙雲彩東館人九十九歲

王天佑西來堰人九十八歲五世同堂

杜文樸治東王家場人九十八歲

楊世玉九十七歲五世同堂

劉仕惠治南虎皮河人九十六歲旌

王子陞治北國學生九十六歲

眉山縣志

卷十一人物志二

列士七十三

漢文石印社代印

李正吉麻柳場人九十六歲子鴻芳庠生工書亦九十一歲

游缺名俗呼白鬚洪廟場人九十六歲

楊光福太平場人九十六歲

杜維虔王場人九十六歲

陳福興太平場人九十六歲旌

嚴朝智張家坎嚴河壩人九十六歲

李筠士天性純篤不知書數合禮儀九十六歲五世同堂見光緒稿

戴三仲太平場人九十六歲

何國楷治北人九十五歲

趙四和太平場報恩寺人九十五歲

張天泰城區人九十五歲旌

彭春崇吳場人九十五歲

劉仕旺思濛場人九十四歲旌

余慎修治北余橋人九十四歲有傳

陳有奇治北馬湖營人九十四歲

金廷東治東金壩人九十四歲旌庠生名鐘父

山如玉號岫岫九十四歲五世同堂

林棟梁吳場人九十四歲

宋啟有麻柳場人九十四歲

戴永祥太平場人九十四歲萬才子

眉山縣志

卷十一人物志二

列士

七十四

漢文石印社代印

鄭尚萬黃家山雷溝人九十三歲

牟正明悅興場河人九十三歲五世同堂

嚴學明太平場人九十三歲

范長順太平場人九十三歲

陶順安土地場王石萬人九十二歲五世同堂

趙玉堂庠生太平場人九十二歲

郭文茵永壽鎮郭林人九十三歲

郭慕梁永壽鎮人九十二歲

八十二歲入庠又四年見
子世煊六十餘歲入庠

顏澤性思濛場人九十一歲

趙崇林太平場西河口人九十一歲

王啓俸九十一歲

劉彰明張家坎船廠溝人九十一歲 庠生慎德父

賀正位松江口人九十歲

徐廷章武生觀盛場人九十歲 公直好施藍李亂
辦團保衛地方

龔榮德貢生吉孚父九十歲

王精坤治北五霸子人九十歲

李洪蛟盤龍鎮人九十歲

張興愷治東大定橋處士九十歲 績學不售教授
鄉里諄諄不倦

蕭榮性嫻婁嶺人九十歲

朱世智治北天弓山人九十歲

眉山縣志

卷十一人物志二

烈士 七十五

漢文石印社代印

按者壽一類事蹟無甚表見大都生長田間老於耕鑿豈莊子所謂安時處順哀樂不能入者耶近有西人某年一百六十歲壽辰燕客輟然曰吾今日始得一休息也考其平生蓋無日不從事勞動然則哀樂不入特養生一端耳語云流水不腐戶樞不朽今之飽煖逸居者其能妄希大年乎